



B. 9. 95

His VII ~~20. 40~~
18.



William Charles De Meuron. Earl Fitzwilliam.

B: 9: 95.

~~2040~~

C. C.
g. J. Ch.

Theol.


Infirm.

45

29

B. 9. 95

H5V



PURCHASED
FROM THE INCOME
OF THE FUND GIVEN TO
THE PUBLIC LIBRARY OF
THE CITY OF BOSTON BY
JOSIAH HENRY BENTON
1843-1917

E. L. DDTY DEL. 1939

A. J. DOWNEY, SCULPT.

William Charles De Meuron. Carl Fitzwilliam.



Digitized by the Internet Archive
in 2016

G. 608

.V68L

LEGENDE D O R E E

O V

Sommaire de l'hystoire des freres Mendians de l'Ordre de Dominique, & de François, comprenant brièvement & véritablement l'origine, le progresz, la doctrine & les combats d'iceux: tant contre l'Eglise Gallicane principalement, que cõtre les Papes & entr'eux mesmes depuis quatre cens ans.



A LEYDEN;
Pour Iean le Maire, 1608.

ANAGRAMME S'VR LE
NOM DE L'AUTHEVR.

Pourquoy prens tu tant d'exercice
Contre Dominique & François?
Ne sçais tu pas qu'en cet office
Travaillant **NVL GAIN I RECOIS**
Ce m'est grand gain de donner gloire
A mon Redempteur Iesus Christ.
Et crier qu'il aura victoire
Contre le camp de l'Antechrist.



5-11-64
020
Benton



ADVERTISSEMENT AV LECTEUR.



AVTANT que ce *traicté* contient principalement l'histoire des *Freres Mendians* depuis leur institution, je veux bien aduertir le Lecteur de quels auteurs ie l'ai recueillie en quel temps ils ont vescu, & qu'elles impressions i'ay suiuies, à fin qu'il y puisse auoir recours, s'il veut prendre la peine de conferer ce que ie dis, avec leurs propres termes. Car quand à ceux que ie produis aux deux premiers chapitres ils sont assez cogneus de tous.

ALBERTVS *Argentiniensis*, c'est à dire, de *Strasbourg* florissoit au temps de l'Empereur *Louys de Bauieres*, & fut celui qui porta au Pape *Benoist XII.* l'an 1338. la declaration de tous les Estats de l'Empire de la nullité des procédures du Pape contre l'Empereur y estant enuoyé

par l'Euesque de Strasbourg tenant le parti du Pape en Allemagne, La Chronique d'iceluy est imprimée à Francfort l'an 1585. chez les heritiers d'André Vvechef in fol.

ANTONIN *Archeuesque de Florence* del'ordre des Iacobins mourut au temps del'Empereur Frideric 3. l'an 1459. son histoire diuisee en trois tomes est imprimée à Lion chez les Huguetas freres l'an 1543. in fol.

ÆNEAS *Sylvius* de Siene fut crée Pape l'an 1458. apres la mort de Calixte III. & prit le nom de Pie II. Toutes ses œuvres sont imprimées à Basle en vn gros volume l'an 1551. in fol.

LES ANNALES *de France* continuées jusques au temps du Roy Louys XI. ont esté iadis composées par Maistre *Nicole Giles* Secretaire du Roy & controlleur de son thresor. imprimées à Paris par la vefue Barbe Renault l'an 1562. in fol.

BONAVENTURE *du bain Royal* fut le 8. General del'ordre de S. François au temps du Pape Alexandre III. & depuis fut fait Cardinal par le Pape Gregoire X. Il florissoit vers l'an 1254. & a esté surnommé le Docteur seraphique. Les trai-

etez que i'allegue de luy sont imprimez
à Cologne par Iean Coelhof de Lubeck
l'an 1486. in fol.

BAPTISTE *Platine* de Cremone qui a
escrit la vie des Papes mourut à Rome
l'an 1481. Celui d'oit ie me suis serui est im-
primé à Paris l'an 1505. in 8° chez François
Renaud.

Les CONFORMITEZ *de S. François*
ont esté composées premierement par
F. Barthelemy de Pise Maistre en Theo-
logie de l'ordre des freres Mineurs & ap-
prouuées par le chapitre general de l'or-
dre tenu à Assise en l'an 1399. au temps
de Henry d'Est 27. General de l'ordre, &
ont esté imprimées à Milan chez Gotard
Pontice l'an 1510. qui est l'impression que
i'ay suiue ailleurs: Mais icy i'ai aimé mi-
eux suiure celles qui ont esté imprimées
à Bologne chez Alexandre Penatio avec
licence des Superieurs, corrigées & aug-
mentées par F. Ieremie Bucelius Cordelier
Docteur en Theologie dediées au Cardi-
nal Hierosme de Ruere protecteur de
l'ordre des Freres Mineurs conuentuels
l'an 1590. in fol.

La CHRONIQUE Intitulée CON-
PILATIO CHRONOLOGICA, qui est

7
joincte avec Siffridus cōtinuée depuis la
creatton du monde iusques à l'an 1274.
est d'un auteur de ce temps là dont on
ne fait le nom Mais il se declare lui mes-
me auoir esté Moine en ce qu'il escrit de
l'an 1271. l'Edition que j'ai suiuiue est de
Francfort chez les heritiers d'André
Vvechel l'an 1583. in fol. tirées de la Bi-
bliothèque du Docteur Ioannes Pisto-
rius Nidanus.

La CHRONIQUE de *S. François* Fran-
çoise est dediée à Monsieur le Cardinal
de Sourdis par Santuel imprimée à Paris
in 4°. iouxte la coppie de Parme. La vou-
lant acheter chez Chaudiere qui l'auoit
imprimée on me dit, Qu'il falloit auoir
vn billet des Capucins pour en auoir &
qu'ils n'en osoient donner autrement.
J'en eus pourtant sans cela d'ailleurs.

La CHRONIQUE d'*Ausbourg* que j'al-
legue a esté recueillie par les Moines du
Monastere des SS. Vldric & Afra d'Aus-
bourg, depuis l'an 1152. iusques à l'an
1265. imprimée avec autres auteurs à
Francfort in fol. 1600. par les heritiers
d'André Vvechel.

Les DECRETALES & *Constitutions*
des Papes que j'allegue sont de l'impres-

8
sion de Lion par Nicolas de Benedictis
l'an 1511. in 4°. avec les gloses.

G O D E F R O Y *Moine de l'Abbaye de S. Pantaleon* dans la ville de Cologne en Allemagne , a escrit ses annales depuis l'an 1162. iusques à l'an 1237. Vers lequel temps il viuoit. Les dictes annales ont esté mises en lumiere par *Marquard Feher* docte Iurisconsulte & imprimez à Francfort par les heritiers d'André Vvechel l'an 1600. in fol.

G V I L L A V M E *de S. Amour* Chanoine de Beauuais & Docteur de l'vniuersité de Paris s'oposant fort viuement contre la nouvelle regle & doctrine des Mendians escriuit plusieurs doctes traictez: cōme entre autres ; Vn liure *des perils des derniers temps* ; *La deffence de l'Ecriture & de l'Eglise , contre les perils qui menacent l'Eglise vniuerselle par les hypocrites & faux predicateurs, se fourans es maisons, oiseux, curieux, vogabonds. en 4. liures* ; Vn liure *des signes des faux Prophetes* ; Vn liure *contre Bonauenture*, & autres ; lesquels d'autant que ie n'ay à present en main i'ay recueilly fidelement les obiections & raisons d'iceluy des escrits de Thomas & de Bonauēturo aduersaires dudit de S. Amour. Il florissoit

en l'an 1260.

HENRY *Steron* Moine de l'Abbaye d'Altaich la basse, sous l'Abbé Herman a tiré des Chroniques de son couuent des Annales comprenans les choses plus memorables auenues depuis l'an 1266. iusques à l'an 1300. Lesquelles ont esté imprimées par lesdicts heritiers d'André Vvechel à Francfort l'an 1600. in fol.

IACQUES *de Voragine* Euesque de Genes de l'ordre des Iacobins entre autres escrits à composé la vie de plusieurs Saints qui est nommée, *Legenda aurea*, ou *Lombardica historia*. L'impression que i'ay suiui de ladiète legende est de Lion par Nicolas de Benedictis, aux despens de Iacques Huguetan l'an 1505. en grand 4°.

MARTINVS *Polonus* Euesque de Confence de l'ordre de S. Dominique Pœnitentier du Pape Iean 21. ou 22. florissoit vers l'an 1320. l'edition de la Chronique d'iceluy que i'ay suiui est d'Anuers par Christophle Plantin l'an 1574. en 8°.

MATTHIEV *Paris* Moine de l'Abbaye de S. Aulbin de l'ordre de S. Benoist en Angleterre florissoit au temps

du Roy Henry 3. par le commandement duquel il a escrit les choses memorables de son temps comme il recite sous l'an 1247. I'ay fuiui la derniere edition d'iceluy rimprimée à Zurich l'an 1606. in fol.

NICOLAS *de Clamengijs* Maistre ou Docteur en Theologie de l'Vniuersité de Paris Archediacre (comme escriuent plusieurs) ou comme ie trouue à la fin de ses œuvres q̄ i'ay par deuers moy escrites en parchemin non imprimées, Chantre de Bayeux, personnage d'une rare eloquence & science en son siecle, tant es choses diuines qu'es bones lettres: Comme font voir entre autres escrits les lettres qu'il escriuit au Concile de Constance pour l'exhorter à l'vnion & reformation de l'Eglise, celles qu'il escriuit au nom de l'Vniuersité de Paris au Roy Charles V I. du moyen d'oster le schisme de l'Eglise: au Pape Clement VII. à tous les Chapitres des Eglises Cathedrales de France, à l'Vniuersité de Cologne, au College des Cardinaux apres la mort de Clement VII. à Iean Roy d'Arragon, au Pape Benoist XIII. sur le mesme subiect. Il florissoit vers l'an 1415. Le liure que i'allegue de luy est intitulé *de Ruina*

& *Reparatione Ecclesie*, lequel a esté imprimé autrefois en Allemagne sous ce tiltre *De corrupto Ecclesie statu*: Mais j'ay suivi entierement celuy que j'ay escrit à la main, venu autresfois de la Bibliothéque du Cardinal d'Amboise; auquel est conforme la version Françoisé dudit escrit imprimée à Orleans l'an 1564.

PAVLVS *Langius* Alleman n'ay de noble famille entra en vn Monastere de l'ordre de S. Benoist nommé Bozau aupres de Zize l'an 1487. fut employé par l'Abbé Trithemius à aller visiter tous les Colleges & Monasteres d'Allemagne pour luy en rapporter les antiquitez, d'ot ils s'acquita fidelement: Ce qui lui seruit fort à escrire l'histoire que luy mesme a laissée sous son nom par laquelle nous voions qu'il viuoit encor en l'an 1520. Elle est imprimée à Frâcfort chez les heritiers d'André Vvechel l'an 1583, in fol.

PETRVS de *Natalibus* Venitien, Euesque Equilin a escrit vne assez ample legende des Saincts, depuis celle qu'on appelle la legende dorée, comme il tesmoigne en sa preface. Elle est imprimée à Lion l'an 1519. chez Iacques Saccon in fol.

THOMAS *nai de la famille des Comtes d'Aquin*, s'estant rangé sous l'ordre des Iacobins fut renommé en sçauoir entre tous les Theologiës de son temps, mourut l'an 1274. fut canonizé entre les SS. par le Pape Iean XXII. l'an 1323. le tome de ses Opuscles entre lesquelles le 19. est intitulé *Contra impugnantes religionem*, d'où j'ai recueilli principalement les raisons de Guillaume de S. Amour, est imprimé à Venise chez Bonet Locatelli de Bergonne l'an 1498. in folio.

Sommaire des chapitres de ce liure.

CHap. I. Que l'institution des Moines ne se peut tirer de la parole de Dieu.

Chap. II. Du premier commencement & origine des Moines.

Chap. III. De l'institutiõ des ordres des Mendians.

Chap. IIII. Des escrits de Guillaume de S. Amour, Siguiier, & autres Docteurs de l'Vniuersité de Paris, cõtre les Mendians.

Chap. V. Suite des plaintes que faisoient les Theologiens de l'Vniuersité de Paris contre les Mendians.

Chap. VI. Cõment les Freres Mendians estoient accusez d'estre messagers de

10
L'ANTECHRIST, & les signes que les Theologiens de Paris donnoient de la venue d'iceluy.

Chap. VII. De qu'elle condition d'hommes deuoient estre tirez les messagers de l'Antechrist selon les Docteurs susdits de l'Vniuersité de Paris ; & comment ils l'appliquoient aux freres Mendians.

Chap. VIII. Quelle doctrine Dominique & ses sectateurs ont introduite au monde.

Chap. IX. De la Theologie de S. Francois, & de ses freres Mineurs.

Chap. X. Suite des oppositions , tant de l'Eglise Gallicane , que des Papes , & autres contre les freres Mendians.

Chap. XI. Discours notable de Nicolas de Clamēgis docteur de l'Vniuersité de Paris , & Chantre de l'Eglise de Bayeux, qui florissoit au temps du Cōcile de Constance vers l'an 1415. Et quel a esté le Pape qui fit cesser les grandes plaintes faictes contre les Mendians l'espace de 200. ans.

Chap. XII. Des disputes & cōtrouerses qui ont esté entre les Mendians sur la question, si la Vierge Marie a esté cōceüe en peché originel & du sang de Iesus Christ.

Chap. XIII. Des Médians venus depuis l'an 1500. cōme les Capucins & Recolets.



L A
LEGENDE DOREE
 DES FRERES MENDIANS
 DE L'ORDRE DE S. DOMI-
 nique & S. François.

CHAPITRE I.

*Que l'institution des Moines ne se peut ti-
 ver de la Parole de Dieu.*



'E s t vne chose certaine que
 nous n'auons nulle trace en
 l'Ecriture sainte de l'insti-
 tution des Moines, ni au vieil
 ni au nouueau Testament, ni
 aucun exemple d'iceux en tout le siecle
 des Apostres.

Car ce qu'on allegue du vieil Testa-
 mēt d'Enos, du vœu de Nazareat, d'Elie,
 Elisée, des fils des Prophetes, & des
 Recabites n'est à propos. D'Enos; il n'est
 pas dit comme ils citent; *Alors il com-
 mença d'inuoyer le nom du Seigneur: Mais
 Alors on commença a appeler du nom de l'Eter-*

Bel. lib
 Monach

Gep. 4. 1

nel, c'est à dire, que les fideles se separans des impies Caïnites, & s'uniffans a vne vraye Eglise & au pur seruice de Dieu commencerent à se nommer publiquement du nom de l'Eternel, comme enfans & seruiteurs d'iceluy. Comme quand il est dit Esa. 44. 5. L'un dira ie suis à l'Eternel, & l'autre se reclamera du nom de Iacob: & l'autre escrira de sa main: Je suis à l'Eternel & se surnommara du nom d'Israel, Et au 43. ch. v. 6. 7. Je diray à l'Aquilon Donne; & au Midy, Ne mets point d'empeschement; Amene mes fils de loin, & mes filles des bouts de la terre. Asauoir tous ceux qui sont appelez de mon nom. Tellement que ceci ne denote point vne institution d'un Monastere: mais vne publique assemblée ou Eglise, & consentement de Seth & des siens à inuoker Dieu.

Le vœu du Nazareat, appartient aux ceremonies de la Loy Mosaique qui n'obligent point le Chrestien affranchi d'icelles par nostre Seigneur Iesus Christ & mis en liberté par l'Euangile. D'auantage il n'y a rien de semblable entre le vœu du Nazareat & celuy des Moynes. L'un auoit son fondement en la Loy de Dieu, L'autre n'est commandé par aucu-

ne autorité diuine. Les Nazariens ne beuoient point de vin, Les Moines ne s'astreignent pas à ceste Loy-là. Les Nazariens n'osoyent toucher aux morts, Les Moines assistent ordinairement aux funerailles. Le vœu de Nazarien n'empeschoit pas le mariage, au lieu que les Moines s'imposent necessité de s'en abstenir. Brief les Moines s'obligent à perpetuité sans pouuoir estre deschargez de leur vœu, & les Nazariens estoient libres, qui se pouuoient deliurer du leur quand ils vouloient, selon la forme prescrite de Dieu. Car quant aux Nazariens perpetuels comme Samson & Iean Baptiste, ce n'estoit pas vn vœu ou volonté humaine qui les rēdoit Nazariens; mais vn commandement expres & singulier de Dieu, qui n'appartient point au vœu volontaire des Moines.

Les Prophetes auoyent vraiment leurs escoles ou ils enseignoient les saintes lettres & instruysoient la ieunesse comme vn seminaire de l'Eglise de Dieu. Ainsi en a fait Elisée, ainsi Samuel, comme l'Escriture nous le tesmoigne. Quant à Elie, il n'y a doute aussi que si long temps qu'il luy a esté libre d'exercer ce

sainct office en Israël qu'il ne s'ensoit acquité : Mais quand la persecution d'Achas & de l'impie Iezabel l'a chassé du Royaume Il s'en est fuy au desert. Or qu'à de conforme, ie vous prie, ce faict de necessité, de contraincte, & extraordinaire avec vn vœu volontaire & perpetuel.

15. Les Lecabites obseruoyent le commandement de Ionadab ; *Vous ne boirez point de vin, ni vous, ni vos enfans à iamais, & ne bastirez aucune maison, & ne semerez aucune semence, & ne planterez aucune vigne, & n'en aurez nullement : Ains demeurerez es tentes tous les iours de vostre vie, afin que vous viuiez longuement sur la terre, en laquelle vous seiournez comme estrangers.* Mais ce n'estoit pas par forme de vœu : Mais par obeissance que doiuent les enfans à leurs peres es choses qui ne contreuient point à la pieté & à la parole de Dieu. Outre que ce commandement de Ionadab fils de Recab estoit vne figure de la calamité qui deuoit auenir aux Iuifs par leur transport en Babylone, Et par cōsequent est-ce mal à propos d'une figure extraordinaire tirer consequence, aux religions des Moines, quelque allegorie

gorie qu'on ait peu bastir la dessus, veu que par l'aueu des Theologiens, *La Theologie alegorique n'est pas argumentative*, comme parle Thomas.

Quant à Iean Baptiste on ne peut nier que plusieurs des Anciens ne le constituent pour le premier Ermite, que quelques vns ne le nomment *Le Prince des Moines*. Mais sur quel fondement? Car Sainct Hierosme qui est des principaux en ceste opinion là nous enseigne bien que ce qui est apporté hors de l'Escripture Saincte peut estre reiecté avec mesme facilité qu'il est apporté. Iean Baptiste estoit Sacrificateur, selon la Loy, & n'a point institué aucune nouuelle religion entre les Iuifs: les à seulement renuoiez à Christ duquel il estoit precurseur. Il a esté au desert: Mais il n'y cherchoit pas la solitude, *Tout le pays de Iudee & ceux de Ierusalem alloient vers luy, & estoient tous baptizez par lui au fleuue du Iordain*, dit S. Marc. Et puis quelle consequence, Iean Baptiste a esté au desert, il a donc institué l'ordre des Moines? Est-ce pas mal argumenter d'un faict extraordinaire à l'institution d'un vœu ordinaire? Certes le lieu & l'habit ne font pas le Moine. Et ce

Marc 1.8

onym. i-
vitz
i. Eremi-

que l'Eſcriture nous dit de Iean Baptiſte deſigné perpetuel Nazarien par le commandement de Dieu n'a aucun rapport avec les vœux & les mœurs de nos Moines. D'où vient que S. Hieroſme auquel cette alluſion a plu quelquefois, ailleurs ou il eſcrit plus exactement de l'origine des Moines, renonce à cette opinion-là de Iean Baptiſte; *Plusieurs*, dit-il, *ont douté ſouuentefois, qui d'entre les Moines a commencé de demeurer au deſert. Car quelques uns le tirant de plus haut, en ont pris le commencement d'Elie & de Iean: deſquels Elie nous ſemble auoir eſté plus que Moine; & Iean auoir prophetizé auant que d'eſtre né.* En ſomme iuſques icy on n'a peu montrer exemple du nouveau Teſtament de l'inſtitution de la Moinerie quelques eſcriuains qui ayent entrepris de deffendre cette cauſe, qui nous fournit deſia vn affés fort argument pour la reiecter; puis que la ſapience diuine qui n'a rien obmis en l'Eſcriture Sainte de ce qui eſtoit neceſſaire au ſalut des ſiens n'en a rien voulu preſcrire, Et qu'au contraire ne nous aiant pas voulu charger de l'obſeruation des choſes que Dieu auoit autrefois commandées par ſa Loy; mais

dont nous sommes affranchis par Christ; il n'y a nulle apparence que Dieu nous voulust assuietir aux inuentions de la ceruelle des hommes.

A quoi se rapporte ce que dit l'Apostre; *Si donc vous estes morts avec Christ, quant aux rudimens du monde, pourquoy vous chargez* Coloss. 2.8 & seq *on d'ordonnances comme si vous vieuiez au monde? Ne mange, ne goust, ne touche point. Qui sont toutes choses perissables par l'usage, estans establis suiuant les commandemens & les doctrines des hommes. Lesquelles ont toutesfois quelque apparẽce de sapiẽce en deuotiõ volõtaire & humilitẽ d'esprit, Et en ce qu'elles n'espargnẽt nullemẽt le corps, & n'ont aucun esgard au rassasiement de la chair.* Paroles vraiment qu comme vn foudre brisent en poudre tout l'edifice de la Moinerie de ce temps, dressẽ sur regles directement contraires à ce que dit icy l'Apostre. Car ce que les Moines estiment qu'il n'est permis de guster de la chair ou des viandes defendues, ou par le Pape, ou par le fondateur de leur ordre, cõme les Chartreux & quelques autres Moines qui s'abstiennent du tout de manger chair, non par vne libre obseruation, mais par vne de;

fence qui oblige leur consciēce; Ce que les Capucins ne veulent pas toucher à de l'argent, & le font bien prendre pour eux par vne tierce personne; Ce qui est commun à tous d'estimer que l'attouchement d'une femme, & le mariage que l'Apostre dit estre *honorable entre tous & la couche sans macule*, repugne à la perfection Chrestienne & à leur saincteté Angelique; Ce que quelques vns d'eux en plain hyuer vont pieds nuds, portent pour chemise vne haire, deschirent leur corps avec des foüets & s'ensenglantent de leur propre sang à la façon des Prestres Anciens de Bahal, & choses semblables; Que sont-ce (ie vous prie) que decret du monde, que doctrines des hommes, lesquelles en paroles ont quelque apparence de sapience par superstition, & humilité d'esprit & mespris, voire offence de son propre corps & de sa chair, que S. Paul dit que nul n'eust oncques en haine, ains la nourrit & entretient. Comme ainsi soit que selon la parole de Dieu *toutes choses soyent pures à ceux qui sont purs*: Et que Dieu vueille que nous ayons esgard à nostre corps & à l'hōneur d'ice-luy. Comme celuy que Dieu a daigné former de ses mains par vne sapience ad-

mirable auquel l'ame creée à l'image de Dieu est infuse : lequel sert d'organe & d'instrumēt à l'ame pour auācer le royaume de Dieu & destruire celuy de Satā: lequel le fils de Dieu a pris à foy en vni-té de sa personne, qu'il a racheté par son sang, qui luy est consacré au Baptisme, qui est temple du S. Esprit, & partie du corps de Christ qui est l'Eglise, bref qui doit vn iour resusciter en gloire. Qui monstre combien ceux-là pechent qui mesprisent ce corps & le deffigurent par leurs veilles, ieusnes, haire, nudité, flagellations volótaires & superstitieuses aussi bien que ceux qui se souillent par leurs paillardises, yuongneries, & autres dissolutions.



CHAPITRE SECOND.

Du premier commencement & origine des Moines.

Eux qui rapportent ce qui est dict au quatriesme chapitre des Actes des Apostres;

Act. 4. 32. &
leq.

Bellar. lib. 2.
de Monachis
cap. 5.

Inter viram
καιρωι και
& καιρωι.
καιρωι.

Act. 4. 34.

Cor. 3. 13.

Que la multitude de ceux qui croyoient, n'estoit qu'un cœur & qu'une ame : & nul ne disoit aucune chose estre siene de ce qu'il possedoit, ains toutes choses estoient communes entr'eux; à l'institutio monachale, comme si les Apostres auoient esté les premiers Moines, n'ont pas bien considéré la difference qu'il y a entre la vie Communicatiue, & la vie Cœnobitique comme parle Bellarmin. Celle là vraiment a esté pratiquée par les Chrestiens au temps des Apostres, ou les fideles communiquoyent d'un franc vouloir aux necessitez les vns des autres, à ce qu'il n'y eust point entre-eux de disetteux, comme il est dit en ce chapitre-là des Actes. A quoi se rapporte aussi ceste collecte qui s'est faite pour les Eglises de Iudée, dont parle l'Apostre 1. Corrint. 16. & 2. Corint. 8. & 9. & Rom. 15. par laquelle les Gentils administroient aux sain&ts de Iudée de leurs biens charnels comme ils auoyent esté participans de leurs spirituels. Et cela disoit S. Paul aux Corinthiens, non point afin que les autres soyent soulagez, & que vous soyez foulez; ains afin que ce soit par egalité. Mais quant à la vie cœnobitique ou monachale les Apostres l'ont du tout igno-

rée comme le reconnoist bien S. Chrysostome quand il dit *Qu'il n'y auoit lors aucune trace de Moine*. Car la cauillation de Bellarmin est vaine que S. Chrysostome parle seulement de l'Eglise des Corinthiens; veu que Chrysostome ne dit pas qu'il n'y en eust point là, a sauoir entre les Corinthiens; mais generalement qu'il n'y en auoit point alors. Tellement que c'est sophistiquement restreindre au lieu ce que cet auteur restreint au temps. Et S. Hieromse escrit qu'il n'y a eu aucun Moine en la Palestine auant S. Hilarion, lequel fut le premier fondateur de cette façon de viure en ce pays là. Ce qui ne seroit pas veritable si les Apostres y auoyent esté les premiers Moines.

Chryf. hom.
25. in ep. ad
Hebraeos.
Neque vesti-
gium tunc mo-
nachij erat.

Hieronimus
in vita Hila-
rionis.

La vraye opinion donc est celle qui a esté suiuite de S. Hierosme a sauoir que Paul de Thebes en Egypte fut le premier qui fuyant la persecution emeüe contre les Chrestiens sous Decius & Valerian se retira és lieux cachez & deserts de la Thebaïde & donna exemple aux autres de chercher la solitude. Ce que ledict S. Hierosme dit auoir appris d'Amathas & Macarius disciples de S. Anthoine. A cause de quoy Otton de Fisingen nom-

Hieronim in
vita Pauli &
remittit.

Otto Frising.
gen chron.
4. cap. 5.

id est perfecti-
mem Decij
gens ac in
fertis latita-
cupiens ne-
sitatem ver-
in volunta-
m.

me Paul & Anthoine premiers Ermites,
le premier desquels, dit-il, fuyant la persecu-
tion de Decius & se voulant cacher es deserts
tourna la necessite en volonte. Et l'autre aussi
d'une tres sainte & tres estroicte vie ayant
prouoque plusieurs au zele d'une vie plus auste-
re reposa en paix. En sorte que la neces-
site non le vœu porta Paul à la solitu-
de vers l'an de Christ 251. auquel temps
Origene renonça & S. Cyprian fut con-
trainct se cacher estant cependant des-
pouruillé de tous ses biens. Et depuis An-
toine vers l'an 300. de nostre Seigneur
en excita plusieurs à son exemple à em-
brasser la vie solitaire comme propre à
couler plus aisement le temps des perse-
cutions qui estoient encor alors embras-
sées, Ou on obseruera que la Moinerie a
pris son commencement & accroissement
entre les Egyptiens comme la nation de
tout temps la plus encline de toutes à la
nouueauté de religion & aux supersti-
tions. Ce que monstre bien Cassian qui
declare que de l'Egypte cet ordre s'es-
pandit par toute l'Aphrique, Thebaïde,
Pentapolis, Cyrenaique iusques au mont
Athlar qui estoit tout plein de cellules
de Moines. En somme Paul fut le pre-

mier exemplaire de la vie Monachale; Antoine le premier instituteur & docteur d'icelle.

Et pourtant se trompent ceux qui veulent que dès le temps des Apostres il y ait eu des Moines & des Monasteres, jaçoit que nul des Anciens qui ait escrit iusques à S. Cyprian n'en face mention; et que Tertullian die bien expressement, *Nous ne sommes pas habitans des forests ou bānis de la vie.* Car quāt aux Esseens de Philo qu'Eusebe & plusieurs Anciens apres luy ont pris pour Moines Chrestiens; ce qui a imposé aux Cardinaux Bellarmin, Baronius & à plusieurs autres, c'est chose si puerile comme à montré le Docte Scaliger cōtre Serarius qu'il semble que ce soit perdre temps que de s'amuser à la refutation de cette imagination. Car Eusebe luy mesme parlant ailleurs des Esseens les met entre les Iuifs & tres anciens & Philo duquel Eusebe a rapporté les paroles aux Moines Chrestiens, dit que ces Esseens là dont il parle auoient des Escritures des Anciens qui auoient esté les chefs de leur secte escrites 400. ans auant qu'il fist ce liure là. Or Philo escriuoit cela sous l'Empereur Caligula

TERTULLIAN
LI AN
Non sumus
sykescola aut
aules vire

Iosephi Sc
geri Elenc
Trihæresij
colai Ser
cap. 19.

Eusebius l
8. de Præp
Euangelij.

ou au commencement de l'Empire de Claude auquel temps viuoyent tous les Euangelistes & Apostres & n'estoient encor escrits tous les Euangiles. Outre plusieurs autres absurditez qu'on pourra lire audict Scaliger qui monstrent que cela ne se peut prendre de quelque institutiō receuē entre les Chrestiens. Et par consequent que puis que l'Eglise primitiue & qui se sentoit encor de la pureté Apostolique s'est passée de Moines l'espace de trois cens ans, qu'elle n'a pas creu non plus que nous, qu'ils fussent de l'institution divine.

Cependant il est certain que lors que les monasteres commencerent à estre dressez c'estoient comme des escoles de toutes vertus, d'abstinence, de iufnes, de patience, de trauail. Car Sainct Hierosme tesmoigne que nul n'estoit receu és monasteres d'Egypte qui ne traueillast, & que c'estoit icy cōme le Symbole des Moines Egyptiens ; *Qui ne traueille point, ne mange point.* Ce qu'Epiphane rapporte à toutes sortes de Moines qu'il dit, avec le trauail spirituel, auoir traouillé de leurs mains à ce qu'ils n'eussent disette. Et mesme on recite de Se-

eron ad
Hieron.

vita Hila
ria.

Epiphanius. h. x.
c. 30.

cras lib. 4.
p. 28.

rapion qui auoit dix mille Moines sous
soi, qu'il les auoit instituez en telle sorte
que chacun par le trauail de ses mains
gaignoit de quoy se substantier & de quoy
donner à ceux qui en auoyent besoin.
Tellement qu'au temps de la moisson ils
trauailloyent pour leur salaire, & ramas-
soient ainsi du bled à suffisance pour eux
& pour les autres. Ils n'estoyent point
astreints par vn vœu solennel à vne re-
gle perpetuelle dont ils ne peussent se
retirer s'ils vouloient. Et encor que la
pluspart vescuissent en Cœlibat; toutes-
fois au temps d'Athanase il y auoit des
Moines aussi biẽ q̃ des Euesques mariez
& aians des enfans. *Ils se souuenoient aussi*
(dit S. Augustin) que toutes choses sont pures
à ceux qui sont purs; & que ce n'est pas ce qui
entre en la bouche qui souille l'homme, mais ce
qui en sort. Et pourtant toute leur industrie
s'employoit non à reiecter quelque sorte de
viande comme pollues, mais à donter la con-
uoitise & retenir la dilection fraternelle.


August. d
morib Ec
cap. 33

Mais comme l'opinion du merite des
œuures commençast à se gliser en l'Egli-
se apres l'an 500. de nostre Seigneur Ie-
sus Christ, ce fut lors principalement
qu'on vit de toutes pars non seulement

en l'Orient mais aussi en l'Occidēt bastir des Monasteres, soit d'hommes, soit de femmes, & chacun comme à l'enui prescrire certaines regles & façon de viure & d'abits aux Moines qu'il instituait. Tellement que des personnes royales mesmes se ietterent à la vie monastique, cōme la Royne Monegnude abandonāt son propre mary, cōme recite Gregoire de Tours en sa vie. Voire la superstition deuint si forte q̄ plusieurs estimoyēt que c'estoit le seul moyen de salut que de renoncer à la vie ciuile pour viure en vn cloistre. Ce que Gregoire de Tours nous monstre & condamne par l'exemple de Berthegunde laquelle voulant quitter son mary & demeurer en vn monastere luy disoit, *Retourne t'en & gouerne nos enfans. Car ie ne m'en retourneray point avec toy. Car celuy là ne verra point le Royaume de Dieu qui est allie par mariage.* Et iacoit que ledict Gregoire de Tours empeschast ce dessein là pour l'heure; la superstition toutesfois & la seduction d'Ingelthrude mere de ladite Berthegunde le gagna, & separa ceste femme de son mary cōtre la parole de Dieu. Enfin ce fut par cette opinion de merite qu'on bastit depuis

tant de superbes edifices de monasteres
à ceux de la regle de S. Benoit, & autres
qui en dresserent depuis luy, soit en Ita-
lie, soit en France, en Allemagne, & Es-
pagne & ailleurs, fondez de tant de reue-
nus & accõpagnez de tant de priuileges
par la liberalité des Rois, des Princes, &
autres qui par ce moyen estimoyent fai-
re rachapt de leurs pechez & acquerir
le Royaume de Dieu.





CHAPITRE III.

De l'Institution des ordres des Mendians.

I O V T ainsi que le mystere d'iniquité dont parle l'Apo. 2. *Thess.* 2. ne s'est pas auancé tout à coup; mais petit à petit, & par degrez cōme nous ferons voir ailleurs: Aussi la Moinerie l'vn des principaux moyens par lesquels ce mystere s'est auancé & l'Antechrist a estably son siege au temple de Dieu & l'y conserue, n'est pas venue tout a coup au comble de superstition & d'impieté ou elle se voit aujourd'huy reduite. Car comme nous auons ouy la necessité fir chercher premierement la solitude; l'acoustumance d'icelle la tourna en volōté, Cette volonté libre au commencement se captiua sous certaines regles; L'opiniō du merite y adiousta puis apres les vœus d'obeissance, de chasteté, de poureté. Le premier desquels est vn miserable cheuestre & comne vn licol;

par lequel ceux qui sont rachetez par Christ, auquel seruir est regner, sont rendus serfs & esclaves des hommes & de leurs traditions. L'autre est vn ioug inique qui oblige les hommes à promettre ce qui ne despéd point d'eux ou de leurs forces, mais du don & de la vocation singuliere de Dieu. Et le troisieme se sent plustost de folie que d'un vœu Chrestien: Car celui qui vouë poureté est, ou poure, ou riche; si poure, c'est vn traitt de folie, non de pieté, comme celui qui estant malade feroit vœu de l'estre tousiours; si riche, c'est pour mettre son bien en la communauté des autres, & l'asseurer à l'auenir, & ainsi c'est fuir la poureté, nō la recercher; c'est fuir la sollicitude qu'apporte la possession & conseruation des richesses, l'obligation de seruir en la societé publique & à sa famille selon Dieu, pour viure en oisueté en la possession de plus grandes richesses. Car qui pourra dire que celui là soit poure qui se met en une grand' Chartreuse, en vne Abbaye de Cleruaux, de Marmoutier & semblables? Certes toutes choses sont également communes; ou tous sont pources ou nul n'est poure: Que tous soient pources

ures en vne si riche communauté; c'est chose qui ne se peut dire; nul donc aussi n'y est pource. Car comment s'imaginera on que celuy là soit pource auquel toutes ses possessions & grands reuenu sont communs? Vous direz, peut estre; qu'il ne possède rien en particulier; qu'il est donc pource? Vrayement il ne s'en suit pas: Car celui-là n'est pas pource en soy mesme auquel toutes choses appartiennent en commun; sinon que vous disiez aussi que la communauté est pource. Mais il n'est Seigneur particulier d'aucune chose: Ains disons nous, Il est Seigneur de toutes choses appartenantes à la communauté; Car il y a des domaines communs & des Seigneurs communs, selon le droict naturel & le ciuil, & l'experience aussi le monstre: d'où vient qu'autant qu'il y a de Moynes à Clery, autant y a il de Barons; encor qu'il n'y ait qu'une Baronnie commune. Dont il est aisé de iuger combien c'est mal à propos qu'on nomme tels vœux; Vœux de poureté, qui sont de vrays remedes contre la poureté & des vœux de richesses.

Mais comme la superstition allast tousjours en augmentant; que les dissentions

*Eleganter Po-
lavianus apud
Langium Mo-
nachum Bene-
dictinū, inquit
Regna pōiūs,
quam coenobia
virum sanctū
(Benedictum
scilicet) posteris
reliquisse, &
forſan ignoras-
ſe, non ſe tam
pauperibus ho-
ſpitiū aut
(brist) ieruiſ
ad diuina ſub-
ſidium (ut ſpe-
rabat) quam
clericis ac ſacer-
dotibus orium,
atque luxu-
riam paraſſe.
Lang. Chron.
Cityens ad
ann. 13 16.*

des Papès & des Empereurs fissent voir vne horrible confussion, & en l'estat Ecclesiastique & au Politique; que le Soleil de Iustice nostre Seigneur Iesus Christ fust quasi du tout obscurci és cœurs des hommes; que toute la terre fust en troubles par les guerres emeuës de toutes parts; que la Lune deuint tout comme sang, comme il est dit *Apocalypse* 6. par les sanglants conseils des Papes contre les Empereurs; que les estoiles du ciel tombassent, c'est à dire, que les Docteurs de l'Eglise fussent fort corrompus & atterrez en la sollicitude des choses mondaines: Allegorie que j'aime d'autant plus suiure que ce passage de l'*Apocalypse* a pleu à l'auteur du liure des Conformitez de S. François, & aux Capucins qui de nagues ont faict imprimer la Chronique d'iceluy; qui le rapportent au temps de S. François. Comme, di-ie, toutes choses fussent en ce pitoyable estat, s'esleuerent Dominique & François, l'un Espagnol, l'autre Italien; lesquels non contents de la forme des vœux precedens que faisoient les autres Moines, prescriuirent à leurs sectateurs vne façon de mendier qui n'auoit iamais esté veüe en l'Eglise,

Apo. 6. 11. & 6.

lib. 1. Confor.
1. part. 2.
Chronique de
S. François
imprimée a
Paris en la
Preface.

Vers l'an 1205
& 1209.

ac compagnée d'une doctrine par laquelle l'Evangile estoit renuersé & destruit & le vray Antichristianisme estably, lesquels se monstrans merueilleusement utiles à la Papauté, de laquelle l'autorité s'en alloit beaucoup esbranlée par la predication des Albigeois, obtindrent aussi fort aisement confirmation de leurs regles par les Papes, mesmement à l'occasion du songe qu'eut le Pape Innocent que l'Eglise de S. Iean de Latran s'en alloit tomber si elle n'eust esté soustenue & souleuée du dos par S. François, ou comme d'autres disent par S. Dominique.

Combien que Matthieu Paris qui viuoit de ce temps là recitant comment la regle de S. François fut receüe du Pape Innocent ne fait aucune mention de ce songe: Mais nous en represente vne cause bien diuerse. Car il dit, Que comme François eust présenté sa regle au Pape Innocent le suppliant de la vouloir confirmer, le Pape considerant l'habit & la façon hideuse & mesprisable de ce personnage qui luy demandoit vne chose si difficile luy dit; *Va frere, & cherche des pourceaux ausquels tu dois estre plustost comparé qu'aux hommes, & te veantre avec eux dans*

Confor. lib. 2.
fruct. 1. pag. 2.
Petr. de Nat.
talib. l. 7. c. 25.
Antonin. Flo.
rent. p. 3. tit.
23. c. 4. §. 3.

Matth. Paris
in hist. Angl.
in Henr. 3. p.
318.

*Vade frater &
quere porcos,
quibus potius
debes quam ho-
minibus compa-
rari, & inuol-
uere te cum eis in*

volutabro, &
regulam illis à
se com. neta. am
tradens, officiū
sue predicationis
impende.

leur bourbier, & leur donnant la regle que tū
as composee, employe là l'office de ta predi-
cation. Ce que François entendant, ayant
baissé la teste sortit incontinent, & ayant
en fin trouué des pourceaux se veautra
dans la bourbe avec eux iusqu'à ce qu'il
eust totalement souillé son habit depuis
la plante des pieds iusqu'au sommet de
la teste. Et ainsi retournant au Consistoi-
re, se presenta deuant le Pape disant; Sei-
gneur, i'ay faict comme tu as commandé,
Exauce maintenāt ie te priema requeste.
Ce que le Pape admirant fut fort contri-
sté de ce qu'il l'auoit mesprisé, & reuenāt
à soi luy commanda qu'apres s'estre laué
il reuint à luy. François donc s'estant
promptement nettoyé reuint, & le Pape
flechi enuers luy receut sa requeste & lui
confirmant le pouuoir de prescher par
priuilege de l'Eglise Romaine avec l'or-
dre qu'il auoit demandé, le renuoya avec
sa benediction.

Quoy que c'en soit Dominique se
vīt incontinent employé a prescher con-
tre les Albigeois, & se seruit on depuis
de ceux principalement de son ordre
pour estre inquisiteurs de la foy, par les-
quels ont esté adiugez à la mort vn nom-

bre incroyable de personnes de toutes qualitez, soit Laics, soit Ecclesiastiques; comme entr'autres on recite de Cōrad de Marpurg de l'ordre des Iacobins Inquisiteur de la foy en Allemagne qui faisoit esprouver ceux qu'on accusoit deuant luy au fer chaut; en telle sorte que s'il les brusloit leur iugement estoit faict comme d'heretiques les liurant au bras seculier pour estre enuoyez au feu. Voire mesme on vit incontinent les Iacobins & les freres Mineurs se fourrer impudēmēt en de bons Monasteres faisant semblant d'y vouloir seulement prescher en passant, & s'usurper l'office des Curez des parroisses. Aufquelles entreprises les autres Religieux estoient contraincts de ceder pour euitier le scandale & l'offence des grands Seigneurs: *Car ces Mendians estoient Conseillers & Ambassadeurs des Princes*, comme dit Matthieu Paris, & *sauoient mesme les secrets du Pape*; De sorte que les Ecclesiastiques en firēt deslors des plaintes au Pape, qui reprit lesdits Mendians de ce que malgré les Seigneurs ils vouloient s'emparer des fiefs. Mais ce qui mit principalement en credit enuers le siege Romain les sectateurs de François

Voyez Trite-
mius. & Gode-
fredi Monach-
Annales ad
ann D. 1233

MATTH Paris in hist. Angl an 1233
"rati enim magnatum consiliatores & nuncios, etiam Dominici Papae secretarii, nuncii in hoc gratia secularium curiarum parantes.

ALBERT. Ar.
ent in pri.
chronici lui.
Duo, co quod
ridericum &
os detestaban
ur, ipsa sedes
apostolica pre
urctis ordini
us privilegis
xaltavit in
antum, quod
unc ipsa sedes
(Clerus vix
defensatur ab
M.

1247.
Matth. Paris
in hist. Angl.
ed ann. 1247.
& 1246. &c.

& de Dominique est qu'ils se banderent pour iceluy a l'encontre de Frideric & des siens, a cause dequoy (dit Albert de Strasbourg) il les exalta tellement de priuileges par dessus tous les autres ordres qu'à pene le siege Romain & le Clergé se pouuoit defendre contr'eux. Et de fait l'histoire de ce temps là nous appréd que durant les troubles entre les Papes & l'Empereur, ils couroient deçà delà en habit defguisé pour porter les pacquets secrets du Pape & exciter les grands à l'encontre del'Empereur. De sorte que l'Empereur Frideric en l'an 1243. fit pēdre deux freres Mineurs surpris avec de tels pacquets. Et comme ledit Frideric fist garder tous les passages ; afin que le Landgraue son ennemi ne peust rien recevoir de la part du Pape. Les freres precheurs & Mineurs changeans leurs vestemens ne laissoient de l'aller trouver pour luy porter les aduertissemens du Pape. Et d'autre part, comme ainsi soit que le Pape eust besoin d'argēt pour entretenir la guerre contre l'edit Empereur, il se seruit desdits Mendians comme de Procureurs pour luy amasser argent de toutes parts, & principalement

d'Angleterre par diuerſes ſortes de moy-
ens , comme de l'inquiſition des vſures,
de l'abſolution du vœu, de ſe croiſer pour
le voyage de la terre ſainte, de prendre
ce qui auoit eſté delegué par teſtament
à vſages pieux ſans exprimer particulie-
rement quels, d'oſtroyer des indulgen-
ces, & ſemblables. En quoy s'employe-
rent fort diligemment entre autres deux
freres Mineurs nommez Iean & Alexan-
dre leſquels marchans partout l'An-
gleterre montez ſur cheuaux treſpretieu-
ſement harnachez de ſelles dorées & ve-
ſtus d'accouſtremẽs ſomptueux faiſoient
d'eſtrâges exaétions ſur tous les Prelats
du Royaume. Brief Matthieu Paris, teſ-
moin oculaire , recite que tout l'or-
dre Monaſtique en trois cents ou quatre
cents ans, voire plus, n'auoit point eſté
corrompu & deſtraué comme celuy des
Mendians l'eſtoit en l'eſpace d'environ
vingt & quatre ans qu'ils auoient com-
mencé de ſ'eſtablir là; *Qu'aũſi ne ſe ſouciroy-
ent ils ſinon d'acquérir des priuileges, eſtans
conſeillers es cours des Rois & des Princes, leurs
Chambellans & Threſoriers, paranymphe, &
entremetteurs des Mariages, executeurs des
extorſions Papales, qui en leurs predicatione-*

stoient ou flateurs, ou tresmordens repreneurs, deceleurs des confessions, ou imprudens correcteurs. Mesprisans les ordres authentiques institutez de S. Benoit & de S. Augustin, & ceux qui en faisoient profession: Appellans ceux de Citeaux, simples, demy laics, ou plustost paysans: Et les Moines noirs, Orgueilleux & Epicuriens.

Or fut ce en ce mesme temps, à sçauoir l'an 1243. que l'Vniuersité de Paris & l'Eglise Gallicane commença d'estre troublée par la doctrine de ces gens cy: à cause que les principaux Professeurs de l'ordre des freres prescheurs & mineurs ne se contentans pas de la simplicité Chrestienne voulurent traicter en leurs leçons & soustenir des propositions, partie curieuses & vaines, partie mesme du tout fauses & heretiques, soit touchant la nature diuine, soit touchant les Anges & autres questions, lesquelles nous représenterons icy avec la condamnation qui en fut faicte par les Prelats de l'Eglise Gallicane assemblez pour cet effect selon que Matthieu Paris les a inserées en son histoire Angloise.

[Le premier erreur donc (dit-il) estoit que l'essence diuine en soy n'est point veüe, ni ne le sera, ni par les homes glo-

rifiez, ni par les Anges. *A quoy les Prelats respondoient.* Nous reiettons cet erreur & excommuniõs les asserpteurs & deffenseurs d'iceluy. Car nous croyons fermement & maintenons que Dieu en son essence, ou substance, ou nature, sera veu des Saints Anges & de l'homme glorifié.

Le second, Qu'encor que l'essence diuine soit une mesme au Pere, au Fils, & au S. Esprit; toutesfois entant que cette essence se considere au regard de la forme, elle est bien vne au Pere & au Fils: mais non pas vne en eux & au S. Esprit. Et toutesfois la forme & l'essence diuine sont vne mesme chose. *A quoy les Prelats respondoient;* Nous reiettons cet erreur, &c. Car nous affirmons asseurement qu'il y a vne mesme essence, substance & nature au Pere, au Fils, & au S. Esprit. Et vne mesme essence au regard de la forme est au Pere, au Fils, & au S. Esprit.

Le 3. Que le S. Esprit, entant que c'est l'Amour, ou le lien de l'Amour, (*assauoir du Pere & du Fils*) ne procede point du Fils; mais seulement du Pere, *A quoy les Prelats;* Nous reiettons, &c. Car nous

croyons fermement & maintenons que le S. Esprit, entant que c'est l'Amour, ou le lien de l'Amour (*assauoir du Pere & du Fils*) procede de l'un & de l'autre.

Le 4. Que ny l'amen ni le corps glorifiz ne seront point au ciel empirée avec les Anges, mais au ciel aqueux ou cristalin qui est par dessus le firmament, ce qu'ils enseignoient mesme de la bienheureuse vierge Marie. *La responce des Prelats estoit*; Nous reiettons, &c. Car nous croyons fermement & asseurons qu'un mesme lieu corporel assauoir le ciel empyrée des Anges & des ames des Saints, fera pour les hommes glorifiez: & semblablement qu'il y a vn mesme lieu spirituel commun aux Anges & aux hommes.

Le 5. Que le mauuais Ange dès le premier instant de sa creation a esté meschant & que iamais il n'a esté non meschant. *Responce*. Nous condamnons cet erreur, &c. Car nous croyons fermement & asseurons qu'il a esté quelque temps bon & non meschant: mais qu'en pechat il est deuenu meschant.

Le 6. Qu'il y a eu dès l'eternité plusieurs veritez qui n'estoiēt point Dieu. *Responce*,

Nous reiettons cet erreur, &c. Car nous croyons & affermons qu'il n'y a qu'une seule verité des l'eternité, laquelle est Dieu, & qu'il n'y en a point eu qui ne fust Dieu.

Le 7. Que l'Ange en un mesme instant peut estre en diuers lieux, voire par tout s'il vouloit. *Response*; Nous condamnons cet erreur, &c. Car nous croyons & tenons fermement que l'Ange est en un lieu defini, en sorte que s'il est ici, il n'est pas ailleurs en vn mesme instant. Car il est impossible que quelque chose soit par tout, veu que c'est le propre de Dieu seul.

Le 8. Que le commencement, l'instât, & la creation n'est createur ni creature. *Response*; Nous reiettons, &c. Car nous croyons assuremēt & maintenons qu'il a esté creature, ou que la creature a esté.

Le 9. Que ni le mauuais Ange, ni Adam en l'estat d'innocence n'ont point eu dont ils puissent demourer debout. *Response*; Nous reiettons cet erreur, &c. Car nous croyons fermement & maintenons qu'ils ont eu dequoy pouuoir demourer debout. Mais non toutesfois dequoy s'avancer plus outre. C'est à dire qu'ils auoient une franche & libre volenté par laquelle ils

Quod principium, nunc, & creatio, non est creator nec creatura. Responsum. Firmiter credimus & asserimus quod fuerit creatura.

Firmiter credimus & asserimus quod saluum unde saluum potuerunt non tamen de proficere.

pouuoient subsister en l'estat auquel ils auoient esté créez, mais non paruenir en un plus excellent sans vne autre assistance de la grace de Dieu. Le 10. Que celuy qui a de meilleurs dōs naturels aura de necessité plus de grace & de gloire. *Response des Prelats.* Nous reiettons cet erreur, &c. Car nous croyōs fermement & maintenons que la grace & la gloire sera donnee selon que Dieu a esleu & preordonné.]

Mais ces troubles accreurent bien dauantage vers l'an 1253. & suiuaus, lors que les freres Prescheurs furent tellement multipliez & esleuez, comme estans Confesseurs & cōseillers des Rois qu'ils refuserent de se soubmettre aux anciennes coustumes & droicts de l'Vniuersité. A caute dequoy il fallut venir à la cour de Rome, ou lesdits Iacobins ayant pour eux le Cardinal Hugues de leur ordre, le Pape mesme, & les plus puissans de cette Cour, le parti de l'Vniuersité se trouua plus foible, en sorte qu'apres de grandes despences ils furēt contraincts de souffrir que leurs coustumes estans changées lesdits Iacobins & autres Religieux eussent licence de lire en Theologie, nonobstant qu'il y eust le

Math. Paris
Henr. 3.

icet Rex ipse
rancorum in-
deret liberta-
m saluare
polariū & si-
ficatis simi-
er & ciues
2. Predica-
es Domino
eae deuoti,
propter eo-
m multimo
ni equa ipsi
ie gratiosi,
hoc certami
melior rem
culum repor-
unt.

nombre des Lecteurs prescrit par les anciennes constitutions, quoy que le Roy & les citoyens desirassent de conseruer la liberte de l'Vniuersité, tant ces gens auoient de faueur enuers le Pape, auquel ils estoient du tout voüez.

En fin ces freres Prescheurs ainsi aduancez par le Pape en vindrent iusques là qu'ils oserēt prescher, lire & enseigner les resueries de l'Abbé Ioachim, & publier vn liure plein d'horribles blasphemmes, intitulé L'EVANGILE ETERNEL, tiré des œuures dudit Abbé Ioachim, lequel fut condamné par les Theologiens de l'Vniuersité de Paris, qui en enuoierent aussi faire la plainte au Pape, laquelle fit brusler a la veuë de la Cour de Rome, comme vn liure pestifere, ainsi que l'appelle Platine; & la Chronique d'Ausbourg qui dit que ce liure là affermoit *Que l'Euangile de Christ, & la doctrine des Apostres n'ameine personne a perfection; & que l'Euangile deuoit estre aboli, & que des lors deuoit commencer la doctrine de l'Abbé Ioachim, laquelle il nommoit L'EVANGILE ETERNEL, par ce qu'en iceluy reluit toute la perfection des hommes qui doiuent estre sauuez.* Ce qui excita contre les Mendians

PLATINA
in Alex. 1.

*(obussit etiam
vidente Chris
Romana libe
lum pestiferum
quo auior asse
rebat statum
gratia non al
ge Euangelii
sed a lege spir
tus procedet
Que opinio e
libris Abbatis
Ioachimi sum
pta dicebatur
Hic autē libe
a sectatoribus
EVANGELIUM
LIVUM E
TERNUM
dicebatur.*

*Chronica A
gustensis ad
ann. 1260*

qu'on tenoit auteurs de ce damnable li-
ure la haine de plusieurs & mesmement
du peuple. Lequel leur soustrayant leurs
aumosnes accoustumées , les appeloit,
comme escrit Matthieu Paris , hypocri-
tes, successeurs de l'Antechrist, faux Pre-
dicateurs , flateurs des Rois & des Prin-
ces , contempteurs des Prelats ordi-
naires & supplantateurs d'iceux , qui se
fourroient és cabinets des Rois, qui cou-
rans par les Prouinces estrangeres don-
noient hardiesse de pecher sous l'ombre
de leurs confessions.





CHAPITRE IV.

*Des escrits de Guillaume de S. Amour, * Siguier & autres Docteurs de l'Vniuersité de Paris contre les Mendians.*

* Il est fait mention de ce suiecy en l'Argument du liure que Thomas d'Aquin a escrit contre eux.

EN TRE ceux qui escriuirent contre les Mendians de ce temps là en France, sous le regne de ce bon Roy S. Loys, que le peuple à bon droit apelloit son Pere, la noblesse son Prince, les loix leur gardien & tuteur, la France son vray Roy, & la Religion son protecteur & defendeur, les plus celebres furent Guillaume de S. Amour & Siguier Maistres de l'Vniuersité de Paris, lesquels presenterent vn liure sur ce suiecy au Pape, qui l'enuoya à Iean de Vercelles, Maistre general des Iacobins pour y faire respondre par Thomas d'Aquin, le plus renommé qui fust lors d'entre tous ceux de cet ordre, comme il fit par vn traicté assez ample qui est le 19. entre les opuscles

dudict Thomas. Duquel nous tirerons quel estoit le sommaire de ces escrits là, afin qu'on voye encor quelque reste de la liberté de nostre Eglise Gallicane que les Papes alloyent de iour en iour estouffant.

Premierement donc ils soustenoyent qu'il n'estoit pas permis à celuy qui par vœu s'estoit obligé à l'estat monastique de prendre l'estat de Docteur, de Prescheur ou de Pasteur. Sur quoi ils alleguoient diverses raisons & autoritez, dont je me contenterai d'alleguer les principales pour euiter prolixité.

Pour le Doctoral S. Hierosme dit & est recité 16.q.1. *l'office du Moine n'est pas d'enseigner, mais de pleurer*; Et ailleurs, *la vie des Moines à la parole de subiection & de discipline, non d'enseigner ou de presider ou de paistre les autres*. Et S. Denys distingue l'une & l'autre hierarchie en trois; Asavoir és saintes actions, en ceux qui les administrent, & en ceux qui les reçoivent. Ceux qui les administrent sont diuisez en trois: en ceux qui n'ettoient, ce qui appartient aux Diacres; ceux qui illuminent, ce qui appartient aux Prestres; ceux qui accomplissent qui sont les Euesques:

Et

monachus non
doctores sed
et plangen.
officium,

q. 1. c. hoc
quaquam.
onysius c.
et. hier.

Et ceux qui recoiuent les actions sacrées sont aussi distinguez en trois ; és immundes ; au peuple saint, & aux Moines qui montre que l'office des Moines n'est pas d'administrer aux autres , mais de recevoir des autres ; & par consequent que ce n'est pas aux Moines à enseigner.

Pour la predication & office pastoral ils alleguoient l'Ap. Rom. 10. *Comment prescheront ils s'ils ne sont enuoyez ?* Or ne lions nous point (disoyent ils) que le Seigneur ait enuoyé sinon les 12. Apostres. Luc 9. & les 72. disciples. Luc. 10. ou la glose dit ; *Que tout ainsi qu'és Apostres nous auons la forme des Euesques : aussi és 72. disciples est la forme des Prestres du second ordre.* A quoi l'Apostre adioinct 1. Corint. 12. *OPITVLATIONES ; les secours, c'est à dire ceux qui assistent aux plus grands , comme Tite à l'Apostre,* ^{16. q. 16} *ou les Archediaces aux Euesques.*

Or les Religieux ou Moines ne sont ni Euesques ni Prestres parochiaux , ni Archediaces ; ils ne doiuent donc point prescher : D'ou vient que S. Hierosme dit , *Autre est la cause du Moine ; autre celle du Clerc : les Clees paissent les brebis ;* Moy (a sauoir qui suis Moine) *ie suis repeu.* ^{16. q. 1. c. Ad.} Et la 16. q. 1. c. *Adycimus* il est dit encor ^{sicim.}

plus expressement; *Nous ordonnons qu'entre les Prestres du Seigneur il ne soit permis à aucun de prescher, soit qu'il soit laic, soit qu'il soit Moine, de quelque science qu'il se puisse glorifier. &c. Iuxta; Nous auons ordonne que les Moines s'abstiennent entierement de prescher au peuple.* Bref, disoyent-ils, la Hierarchie Ecclesiastique est establie sur le modele de la celeste. Or en la Hierarchie celeste l'Ange d'un ordre inferieur n'exerce iamais l'office de l'ordre superieur. Et pourtant comme ainsi soit que l'ordre monastique soit entre les ordres inferieurs, comme monstre S. Denis c. 6. *Eccles. hierar.* les Moines ne doiuent exercer l'office de la predication, qui appartient à vn ordre superieur, a sauoir aux Euesques & autres Prelats. Ce qu'ils prouoyent aussi par l'exemple des Euesques auxquels selon les Canons, il n'est point permis de prescher aux Dioceses d'autrui: Cōbien donc moins le doit il estre aux Moines qui n'ont point de Dioceses?

Dont ils concluoyent en second lieu qu'il n'est point licite aux Moines qui n'ont point charge d'ames d'ouir les confessions & excercer les offices des Curez; quelques priuileges qui leur en soyent

*Monachos à
popularium præ
dicatione omni-
no cessare cen-
suimus.*

donnez par le siege Romain; parce que
l'autorité du siege Romain ne peut rien chan-
ger ou eſtablir contre les ſtatut des Peres. Or
 eſt ce contre les ſtatut des Anciens Pe-
 res, qu'aucun autre que les Preſtres preſ-
 che ou oye les confeſſions, comme il eſt
 dit 16 q. 1. c. *Adycimus*. Cela donc ne peut
 eſtre permis à aucun par priuilege du
 Pape Et 25. 1. q. 1. c. *ſunt quidā*; Il eſt dit; *Que*
ſi le Pape de Rome s'eſſorçoit de deſtruire ce
que les Apoſtres & les Prophetes ont enſeigné
il ſeroit pluſtoſt conuaincu d'erreur, que de don-
ner ſentence.

Or diſent ils que cela repugnoit à la
 doctrine des Apoſtres que les Moines
 exerçaſſent l'office qui appartient aux
 Paſteurs ordinaires: Dont ils concluoyēt
 que le Pape eſtoit conuaincu d'erreur
 manifeſte ſ'il donnoit à aucun ce priuile-
 ge là, Veu meſme que nile Pape, ni au-
 cun autre des mortels ne peut changer
 ou renuerſer la hierarchie Eccleſiaſtique
 diuinement inſtituée; attendu que nulle
 poiſſance n'eſt donnée aux Prelats en
 deſtruction; mais bien en edification 2.
 Corint. 10. Ce qui ſeroit pourtant en cet
 endroit ſ'ils donnoyent ce priuilege aux
 Moines, nonobſtant les diuers inconue-

*Contra ſtatut
 Patru aliqui
 condere vel m
 tare, nec Rom
 ne ſedis aut
 ritas poteſt 2.
 q. 1. contra ſt
 utat.*

*25. q. 1. c. Su
 quidam.
 Si enim qu
 docuerunt
 poſtoli & Pr
 pheta deſtru
 re, quod abſ
 niteretur R
 manus Pon
 ſex, non ſent
 iam dare,
 magis errat
 conuinceret*

niens qui en pouuoient arriuer, & le preiudice que cela apporteroit aux Pasteurs ordinaires.

Tiercement que les Moines estoient obligez de trauailler de leurs mains, pour auoir de quoy viure & donner l'aumosne aux pources, & non la demander. Sur quoy ils alleguoient S. Paul 1. Theff. 4. *Freres nous vous prions que vous abondiez de plus en plus, & que vous eueruiez a viure paisiblement, & a faire vos propres affaires, & que vous b'songniez de vos propres mains, comme nous vous l'auons commande.* Et 2. Thef. 3. *Si quelqu'un ne veut besongner qu'il ne mange point aussi.* & Ephes 4. *Qu'il trauaille en besongnant de ses mains en ce qui est bon, afin qu'il ait pour dep'rtir a celuy qui en a besoin.* Ce que l'Apostre a aussi enseigné par son exēple, selon qu'il dit 2 Thef. 3. *Nous n'auons point mangé le pain d'aucun pour neant: mais en labeur & en trauail besongnās nuict & iour, afin de nous donner nous mesmes pour patron en vostre endroiēt, afin que vous nous ensuiuiez.* Ce qu'il declare aussi 1. Cor. 4. & Act. 20. Dont il s'ensuit que les Moines qui sur toutes choses doiuent imiter les Apostres doiuent aussi trauailler de leurs mains. Sur quoi ils alle-

guent S. Augustin prescriuant bien e-
stroictement aux Moines de trauailler de
leurs mains, & refutât toutes les excuses
qu'ils peuuent pretendre sur ce subiect,
soit de vaquer à oraison, soit de chanter
les louanges de Dieu, soit de s'appliquer
à la lecture, soit de prescher la parole de
Dieu. Auquel dernier exercice comme
ainsi soit que tous les Moines ne vaquēt
pas, & ne soyent pas aussi tous capables
de ce faire, c'est vn pretexte mal fondé
qu'à cause de quelques vns qui sont em-
ployez à cela tous les autres soyent oi-
sifs.

Finalelement ils impugnoient cette po-
ureté volontaire par laquelle les Moines
mendians se priuoyent de toutes posses-
sions, mesme en commun, non pas pour
subuenir à leur necessité par le trauail de
leurs mains, mais par la queste des au-
mosnes. Cōtre cette priuatiō de la posses-
siō de toutes choses tēporelles en cōmū,
Ils citoyent ce qui est dit Prou. 30. *Ne
me donne ni poureté ni richesses, donne moi
toutesfois ce qui est necessaire à mon viure, de
peur qu'estant s'oulé ie ne te renie; de peur aussi
qu'estā appouri ie ne desrobe, & que ie ne prene
en vain le nō de mō Dieu.* Or celui qui quitte

te tout son bien sans vouloir trauailler de ses mains, s'expose par sa mendicité à ce danger de desrober & prendre en vain le nom de Dieu; & pourtant est reprehensible. Dauantage l'Apostre 2. Cor. 8. monstrant aux fideles la regle de bien faire aumosne ordonne, *qu'elle se face selon ce qu'on a & non selon ce qu'on n'a point*, en sorte que l'un ne soit foulé pour soulager l'autre, mais qu'on y garde l'egalite. Or celuy qui donne tout sans se rien reseruer peche contre l'egalité & moderation requise de l'Apostre. En outre telle poureré peche contre le commandemēt, *Tu ne tueras point*; entant que celuy qui se destitue en ceste sorte de tous ses biens s'expose au danger de mourir de faim, qui est pis que mourir de glaue. Que si celuy là peche qui soustrait à vn autre de quoi viure & le tue en quelque façon; Combien plus donc peche celuy qui le soustrait à soi mesme? D'où vient qu'il est dit Ecclesiastique 34. *le pain des indigens est la vie des poures: parquoy quiconque le leur oste est meurtrier*. Au reste puis que la vie de nostre Seigneur Iesus Christ est l'Exemplaire de toute perfection & que Christ a bien eu en sa vie de quoy se sustenter:

Car au 12. ch. de l'Euangile selon S. Iean il est faict mention de *bourse*, & au 4. du mesme Euangile il est dit que les disciples estoient *allez à la ville pour acheter des viures* : il s'ensuit que ce n'est pas de la perfection Chrestienne de se deposseder de tout mesme en commun. Et au 4. ch. des Actes des Apostres Il est dit *que toutes choses estoient communes entre eux & n'y auoit aucun disetteux entre eux*, Dont il s'ensuit que ceux qui reietterent tellement toutes possessions en commun, qu'en commun mesme ils soient tous disetteux, embrassent vne vie non religieuse mais superstitieuse. Outre qu'il nous est deffendu de *tenter Dieu*. Ce que font ceux qui s'ostent les choses par lesquelles Dieu soustient ordinairement nostre vie. Comme celuy qui voyant venir à soy vn Ours jetteroit bas les armes dont il se peut deffendre, sembleroit tenter Dieu. En somme que c'estoit vne temerité de vouloir suiure vne nouvelle façon de *religion* & laisser celle qui auoit esté approuuee par les *Anciens Peres, Augustin, Basile, Benoist, & plusieurs autres*. Dont ils rendoient cette raison, selon que Bonauenture la rapporte; *Que ce sembloit estre vne sottise de*

BONAVENTURE
de pauper
Christi.

Modus ite
mendicandi
nouo intro
ductus per Do
natum & Fr
ciscum indi
catur supersti
sus & van
cum stultu
videatur
sim & spi
duorum pa
rum homin
preponere
re sapientia
sublimitate
etorum p
dentium e
etorum.

preferer le sens & l'esprit de deux chetifs hommes, aſcauoir Dominique & François à vne ſi grande ſapience & excellence des Sainets & Docteurs precedens.

Et parce que les Mendians faiſoient bouclier de l'Euangile comme ſi noſtre Seigneur auoit faiet deffenſe à ſes Apotres de ne porter rien avec eux & ne faire prouiſion d'aucune choſe. Ils diſtinguoient fort bien entre ce qui n'eſtoit que pour vn temps durant la vie de noſtre Seigneur Ieſus Chriſt, qu'il conuerſoit encor avec eux par vne preſence corporelle, & pour leur premier enuoy reſſerré dans les limites d'Iſrael. Et ce qui a deu auoir lieu apres que Ieſus Chriſt s'eſt retiré d'avec les ſiens de cette preſence corporelle par ſon Aſcenſion au ciel & en l'execution du ſainct Miniſtere de l'Euangile, non ſeulement entre les Iuiſs, mais auſſi entre toutes les nations du monde. Dont il ſ'enſuit que le vœu de poureté fondé ſur ce commandement de Chriſt faiet à ſes Apotres au 10. chap. de S. Matthieu, *Ne faietes prouiſion ne d'or, ne d'argent, ne de monnoye en vos ceintures, ne de malette pour le chemin, ne de deux robes, ne de ſouliers; ne de baſton;* Lors qu'il leur defendoit auſſi d'aller vers les Gen-

sils, ou d'entrer en aucune ville des Samaritains est tres mal fondé.

Obseruation qui doit estre soigneusement remarquee, d'autant que par icelle on voit que la regle des Moines Mendians, & particulierement de ceux de l'ordre de S. François n'est fondee que sur vne fausse interpretation de l'Escripture sainte, qui pose comme perpetuel ce que Iesus Christ Matth. 10. n'ordonnoit que pour vn temps, & a certain esgard: veu que nous auons au contraire de cela la pratique de Christ & des Apostres & les paroles du Seigneur. La pratique, parce que nous lisons au 12. de S. Iean, *Que Iudas auoit la bourse, & portoit ce qu'on y mettoit, & au 13 ch. v. 29. Que nostre Seigneur Iesus Christ ayant dit à Iudas; Fay bien tost ce que tu fais; quelques vns cuydoient pource que Iudas auoit la bourse, que Iesus luy eust dit; Achete ce qui nous est necessaire pour la feste, ou qu'il donnast quelque chose aux pources. Et les paroles de nostre Seigneur Iesus Christ Luc 22. 36. Qui a vne bourse la prenne, & qui a vne malette semblablement. Car par là il paroist que lors que Iesus Christ disoit cela, quelques vns des Apostres auoient & bourse, malette: ce qu'il ne*

repren pas; ains prend de là subject de la denonciation prophetique qu'il leur faict.

Quant a l'aumosne ils soustenoient, & que les Religieux ne la deuoient point demander, & que s'ils la demandoient on ne leur deuoit point donner. Pour le premier ils disoient que l'Apostre 1. Tim. 5. ordonne que les veufues qui peuuent estre nourries d'ailleurs, ne viuent point des aumosnes de l'Eglise, afin qu'il y ait assez pour celles qui sont vraiment veufues, Il s'ensuit donc au cas pareil que ceux qui sont forts & robustes pour pouoir viure de leur trauail ne doiuent pas viure d'aumosnes lesquelles ils desrobent aux pources, qui ne peuuent viure que d'aumosnes. Outre que les Religieux disent qu'ils s'estudient à la perfection. *Or est ce chose plus heureuse de donner que de prendre. Act. 20.* Et que cela est d'un mauvais exemple en la societé humaine que ceux qui sont forts & robustes viuent d'aumosnes, veu mesme qu'il est dit *Deut. 15. Il n'y aura point de disetteux ou mendiant entre vous;* Et au Pseaume, *je n'ay point veu le juste abandonné n'y sa semence cherchant son pain;* Que c'est vne imprecation

jettée contre le meschant, *Que ses enfans soient vagabonds & mendient & questent; que l'Apostre veut qu'on trauaille de ses mains* 1. Theff. 4. 2. Theff. 3. que S. Augustin dit, *que le tres-cant ennemi asçauoir Satan a dispersé de toutes pars tant d'hypocrites sous l'habit de Moines, tournoians par les provinces, qui ne sont enuoiez nulle part, qui ne demeurent nulle part, qui ne sont iamais debout en vn lieu, iamais assis; Et plus bas; Ils demandent à tous, ils exigent de tous, ou la despence de leur pourete lucrative, ou le prix de leur sainteté feinte.*

Qu'on ne leur deust pas donner l'aumosne voicy comment ils le prouuoient Au. 14. ch. de l'Euangile selon S. Luc, il est dit; *quand tu feras vn banquet conuie les pources, impotens, boiteux, & aueugles, & tu seras bien heureux pourtant qu'ils n'ont de quoi te rendre la pareille.* Or est il que ces Mendians là pouuoient bien rendre la pareille en ce siecle à cause qu'ils estoient familiers des Princes & grāds Seigneurs; Dōt il s'ensuit que ce n'estoit pas a eux qu'il falloit donner l'aumosne. Dauantage l'aumosne est ordonnee pour soulager l'indigence; Et partant il faut donner plustost à celuy qui est plus indigent qu'à

AVGVSTIN
de opere Mo
nachorum.

Tam multos h
pocritas sub h
bitu Monache
rum usqueque
que disper
calidissimus l
sis circumeu
tes provinci
nusquam mi
sos, nusquam
xos, nusqua
stantes, nu
quam sedenti
Et infra. O
nes petunt, i
omnes exigu
qui sumptus
cross egestat
aut simula
precium san
tatis.


celuy qui l'est moins. Or ceux là le sont dauantage qui ne peuuent gagner leur vie de leur travail ni l'auoir d'ailleurs, que ceux qui le peuuent : tandis donc qu'il y en a de ces plus indigens, il ne faut donner aux autres. Bref donner l'aumosne est vn acte de Misericorde: Or la Misericorde presuppose la misere; dont il s'ensuit que l'aumosne doit estre donnée à ceux qui sont miserables: Or ceux qui de leur propre volonté s'exposent à la mendicité ne sont pas miserables, mais ceux-là seuls qui tombent en la mendicité contre leur volonté: Il ne faut donc pas donner l'aumosne à ceu x qui la demandent de leur volonté.

Qui sont sommairement les raisons par lesquelles les Docteurs de l'Vniuersité de Paris combattoient cette nouuelle institution des Moines Mendians. Raisons que le prudent Lecteur trouuera d'autant plus fortes que les responce s que Thomas d'Aquin, Bonauenture, & autres ont tasché d'y opposer lui sembleront foibles, sophistiquées, & la plus part fausses s'il prend la peine de les conferer en leurs escrits n'estât pas mon but de cop-

piericy des liures entiers. Et de fait Bon-
 nauenture apres l'estre longuement tra-
 uailé non seulement en son traicté de la
 poureté de Christ, mais aussi en son Apo-
 logie des pources à refuter en quelque
 sorte ces objections, reconnoissans bien
 que tout ce qu'il disoit n'estoyent que
 des fleches d'enfant, ou des pelotes de
 neige iectées contre le Soleil qui se fon-
 doient aux seuls rayons de la verité, Il
 vient en fin à implorer la force & le se-
 cours de l'Eglise Romaine en ces mots;
 [Mais il vaut mieux, *dit il*, implorer le se-
 cours de la spirituelle Ester, que de s'ar-
 rester au combat de paroles. La com-
 pagnie de tes pources t'inuoque donc en
 confiance ô sacrée sainte Eglise Ro-
 maine, eleuée comme vne autre E-
 ster entre les peuples, pour estre ME-
 RE ROINE, & MAISTRESSE de
 toutes les Eglises, pour defendre & en-
 seigner la verité des meurs & de la foi:
 afin que tu deffendes manifestement &
 iustement comme Roine ceux que tu as
 engendrez comme Mere, & eleué com-
 me nourrice: veu que pour cela parla
 disposition diuine tu as esté eleuée au
 plus haut sommet de puissance P ON-

Boneuentura
 Apolog. pau-
 perum . . par-
 ticula 4. resp.
 cap. 11.

TIFICALE & ROYALE, afin qu'ez cas plus pressez de necessité tu fusses preste à la defence du peuple Chrestien leue toy donc SAINCTE MERE, & iuge ta cause; Car si cet ordre des pources freres Mineurs fai& droictement profession de la verité de l'Euangile, cela est tien: s'il se deuoye de la verité en la professiion que tu as confirmée, cela est tien: Et pourtant si on accuse d'erreur cette saincte professiion, on affirme que toy qui l'as approuuée as erré; & toy qui as esté maistresse de verité iusques icy es maintenant arguée d'aprobation de l'erreur; & en moquerie à quelques presomptueux modernes; comme ignorante & du droict diuin, & du droict humain] Car quel besoin eust il eu de cette Rhetorique si la force de ses raisons estoit bastante contre celle de ses aduersaires?



CHAPITRE V.

*Suite des plaintes que faisoient les Theologiens
de l'Vniuersité de Paris contre
les Mendians.*

Comme ainsi soit que nostre Seigneur Iesus Christ enseigne qu'on connoist l'arbre à ses fruiçts. Il est bon que nous representations quels fruiçts a apporté ce bel arbre du vœu de la poreté Mandiante planté au iardin de l'Eglise Romaine par Dominique & François, non pas en sa vieillesse, ou les meilleurs arbres degenerent quelquefois; mais en sa premiere vigueur, lors qu'il estoit encor cultiué par ceux qui auoient esté compagnons desdicts François & Dominique. Or ces fruiçts se peuuent recueillir des accusations faictes contre eux par les Docteurs susdicts de l'Vniuersité de Paris, & lesquelles pour la plus part ne sont pas deniées de Thomas; mais excusées & paliées. Comme

1°. De s'entremesler curieusement des

Thomas
pusculo 17

affaires d'autrui contre le commandement de l'Apostre 1. Theſſal. 4. 2. Theſſ. 3. 2. Timoth. 2.

c. 10.

2°. De courir deça dela, & n'estre non plus arrestez que des giroüettes contre le cōmandement de l'Apoſtre. 2. Theſſ. 3. & ce qui a esté dit cy deſſus de S. Auguſtin, du liure du trauail des Moines.

c. 11.

3°. D'estre de ceux qui apprenent tousiours & iamais ne peuuent paruenir à la connoiſſance de verité 2. Timothée 3. Ausquels ils rapportoient ce paſſage de del'Apocalypse 13. *Je vis vne autre Beſte montant de la terre & auoit deux cornes ſemblables à l'Agneau: ou la gloſe dit, Ayant deſcrit la tribulation qui ſera par l'Antechriſt & ſes princes, il en adiouſte vne autre qui aduiendra par les Apoſtres d'iceluy, lesquels il eſpendra par tout le monde; Et ſur ces mots, qui auoit deux cornes, à cauſe qu'ils feront ſemblant d'auoir l'innocence, pureté de vie, & la vraye doctrine, ou bien s'uſurperont les deux Teſtamens. De ſorte qu'ils diſoyent que ces Mendians ne laiſſoyent d'estre Apoſtres de l'Antechriſt encor qu'ils ſe glorifiſſent de la predication des deux Teſtamens, & fiſſent parade à l'exterieur de quelque ſaincteté de vie.*

4°. De prescher en pompe de langage c. 12.
comme les faux Apostres que condam-
ne S. Paul 1. Corin. 2. & mesler avec l'Es-
criture Saincte les speculations de phyfi-
que & de philosophie seculiere.

5°. De se recommander eux mesmes & c. 13.
leurs traditions par douces paroles com-
me faisoient les faux Apostres pour de-
cevoir les cœurs des simples, se montrés
semblables aux Pharisiens desquels il est
dit Mat. 23. *Malheur sur vous Scribes & Pha-
risiens hypocrites, car vous tournoyez la mer &
la terre à fin de faire un profelyte* : Se faisant
aussi recommander par lettres comme
les faux Apostres que condamne S. Paul.

6°. De ne vouloir aucunement estre c. 14.
repris, quoy qu'ils disent contre la verité:
ains mordre comme chiens ceux qui les
redarguoient.

7°. De disputer & chicaner deuant les c. 15.
Iuges ciuils contre les preceptes de l'Es-
criture Saincte & de reigle des vrais
Religieux.

8°. De poursuiure leurs aduersaires c. 16.
par tous moyens pour les faire punir &
se vanger d'eux contre ce qui est dit Mat.
5. *Faites bien à ceux qui vous haïssent: & priez
pour ceux qui vous courent sus & vous persecu-*

tent, & semblables sentences.

c. 17. & 18. 9^o De ne se foudier que de plaire aux
 c. 19. 20. 21. hommes, & de se glorifier par trop en
 22. & 23. eux mesmes des dons de Dieu.

* La verité de 10^o. De se glisser és Cours des Princes
 cette accusatiō & grands Seigneurs, contre l'austerité re
 paroist de ce qu'entre les dou
 ze compagnons quise en leur profession.


de S. François 11^o. D'estre entachez de diuerfes sortes
 qui sont com. de vices.*
 parez aux Apo

stres est nommé 12^o. De chercher la faueur du monde &
 Jean de la che- leur gloire, non celle Christ.
 zire, duquel

l'autheur des 13^o. D'estre faux Apostres, loups rauif-
 Conformitez de sans, larrons, qui se fourrent és maisons,
 S. François n'a comme parle l'Apostre 2. Tim. 3. desquels
 point eu bonie il se faut garder.

de rendre cet Et semblables caracteres par lesquels ils
 horrible tesmoi- depeignoyent ces nouueaux Religieux
 gnage, rempo Mendians, sur lesquels il n'est besoin que
 re Beati Fran- nous insistions pour les esclarcir: d'autāt
 cisci vnus ex que la pratique des siecles suiuan & celle
 socijs vocatus du nostre iustifie assez ces accusations-là,
 F. Ioannes de & ne nous permet de douter de la verité
 Capella. quia d'icelles, puis qn'on a tousiours veu de-
 inuenit abusū puis les disciples de François & de Do-
 capellæ. libr. minique continuer en ces meurs-là. Mais
 Conform. 1. voici vne autre accusation qui suit en la-
 fruct 9. p. 2. f. quelle il nous faut insister d'auantage,
 111. column 4. d'autant qu'on verra par icelle ce que les
 Façoit que lors
 qu'ils le compa-
 rent a Iudas
 ils taisent cela,
 & en vendent
 vne cause rudi-
 cule seulement;
 comme est d'a-
 uoir porté le pre-
 mier entre les
 freres biterum
 sine almu-
 cium lib. 1.
 fruct, 8. p. 2.

hommes doctes tenoyent des lors en France de la venuë de l'Antechrist, encores qu'il ne fust pas si clairement descouvert comme il est aujourdhuy, & qu'ils n'osassent aussi en dire si ouuertement ce qu'ils en croyent à cause des persecutions sanglantes allumées contre les Albigeois & autres qui en parloyent ingenuement & franchement selon la Parole de Dieu; qui empeschera qu'on ne s'estonne que ces grands personages là & leurs escrits ayent esté condamnez si severement des Papes; puis qu'il y alloit de la cause des Mendians simplement; mais de celle du siege Romain, l'autorité duquel ils sappoyent iusques au fondement.



CHAPITRE VI.

Comment les freres Mendians estoient accusez d'estre messagers de L'ANTECHRIST, Et les signes que les Theologiens de Paris donnoient de la venue d'iceluy.

Si j'estois en lieu ou ie peusse recouurer les œuvres de Guillaume de S. Amour,

& des autres Docteurs qui ont escrit de son temps, ie produirois leurs raisons a naif en leurs propres termes, m'asseurant qu'elles se trouueroient auoir toute autre force qu'elles n'en ont dedans les escrits de leurs aduersaires d'où il nous le faut tirer. Car il n'y a point de doute que ceux qui ne vouloyent que rabattre ce qui estoit lancé contr'eux, ne l'ayent quelquesfois representé d'une autre façon qu'il n'estoit en son naturel, pour le faire trouuer plus foible, & ne nous ayent mesme soustraiect les plus forts arguments dont ils estoient combattus, afin que leurs escrits courans parmy le peuple ne leur donnassent subject de iuger plustost leur desauantage qu'à leur profit. Ce que nous voyons de ce temps là auoir esté pratiqué contre les Albigeois que nous trouuons portraits par leurs aduersaires d'un crayon totalement faux & d'autres couleurs qu'ils ne deuoyent, comme nous reconnoissons par ce peu de vrais escrits qui nous restent d'eux: d'entre lesquels i'ay veu estant en Languedoc les Actes d'une dispute entre S. Dominique & un Euesque Espagnol, duquel il est fait mention en la legende de S. Dominique.

qui est inserée en l'histoire d'Antonin, contre deux Ministres Albigeois, recueillie par Notaires, d'où il paroissoit nō seulement cōbien la doctrine de sdicts Albigeois estoit esloignée de celle que leurs aduersaires leur imputent; Mais aussi combien la doctrine dudit Dominique estoit foible au prix de la leur fortifiée de l'Escriture Saincte, qui fut cause qu'on eut recours aux feux, aux gibbets, aux croisades qu'on employoit auparauint contre les Mahometans, & aux armes pour destruire les corps de ceux dont les ames cependant demeuroient victorieuses du monde par la vraye foy en Iesus Christ; comme tesmoignent leurs confessions; malgré les calomnies de leurs ennemis. Or quoy que c'en soit, voicy que Thomas d'Aquin dit d'eux, C'est que ces Docteurs de l'vniuersité de Paris disoyent que les freres Mendians estoient *Messagers de l'Antechrist*. Surquoy ils taschoient de monstrier deux choses: assauoir; 1^o. que le temps de l'Antechrist estoit proche; 2^o. que les Religieux Mendians qui preschoient & oyoyent les confessions estoient particulierement *Messagers de l'Antechrist*.

Antonin. p. 3
titul. 23. c. 4. §
1.

Thomas O.
pisc. 19. cap.
24.

La premiere raison qu'ils amenoient pour prouuer que le temps de l'Antechrist estoit prochain estoit tirée de diuers passages de l'Escripture Sainte, comme sont ceux cy 1. Corint. 10. *Ces choses sont escriptes pour nous comme ceux auxquels les derniers temps sont paruenus.* Et 1. Iean 2. *Ieunes enfans le dernier temps est; & semblables.* Dont ils concluoyēt que puis qu'un si long temps s'estoit escoulé depuis que les Apostres auoyent dit cela, qu'on ne pouuoit nier que le temps de l'Antechrist ne fust bien proche. Sur quoi Thomas ne reprend pas ce qu'ils disoient du temps de l'approche de l'Antechrist; mais nie la consequēce qu'ils en tiroient, assauoir que le temps auquel ils estoient fust ce dernier temps de l'Antechrist & que les freres Mendians fussent ceux par lesquels aduinrent les choses que l'Apostre predisoit des derniers temps.

Or cela s'ensuiuoit bien de ce qu'au parauant ils auoyent objecté du 3. chap. de la seconde à Timothée; d'où ils tiroiēt les remarques si expressees de ces nouueaux Docteurs, qu'on ne pouuoit nier que elles ne leur conuinssent, comme particulierement ce que S. Paul dit que *d'en-*

re ceux-la sont ceux qui se fourrent es mai-
sons, & qui rendent captiues les femmelettes
chargées de pechez transportées de diuerses con-
uoitises.

La seconde raison estoit que plus de
mille ans estoient passez depuis l'anene-
ment de Christ; Dont il s'ensuiuoit que
le temps de l'Antechrist ne pouuoit estre
loin. La consequence duquel argument
n'estoit pas (à mon aduis) comme Tho-
mas a pensé, tirée de ce que les autres aa-
ges n'auoient point duré plus de mille
ans. Car cette consequence-là estoit nul-
le & ridicule; Mais bien de ce qui est dict
Apocalypse 20.7. *Et quand les mille ans se-
ront accomplis Satan sera deslié de sa prison.*
Ce que ceux qui escriuoient vers ces
temps là sur l'Apocalypse rapportoient
au commencement du regne formé de
l'Antechrist qu'ils tenoiēt aussi bien que
plusieurs de ce temps-cy auoir pleine-
ment & ouuertement regné en l'Eglise
bien tost apres les millé ans de Christ,
qu'on vit les Papes s'entretuer l'un l'au-
tre par poison, & deschirer la Chrestien-
té par schismes & guerres sanglantes
contre les Empereurs. Comme il se ver-
ra par le conte d'un auteur qui a escrit

Voyez Ber-
cardinal en
vie de G
goire.7.

LOLLARD.
in Apocalyp.
c. 20.

Per annos mille
scilicet a tempo
re passionis
Christi, & ul-
tra trecenti
quingenta
septem quia
Christus passus
est tricesimo
tertio sue a-
gis anno, qui
additi numero,
faciunt trescen-
tos nonaginta
annos, que est
presens data
nostra Quia
sumus in anno
ab incarnatione
Christi mille-
esimo trecentesi-
mo quingage-
esimo septimo.
ergo trecenti
epitraginta se-
tem anni ela-
si sunt, post
quam Anti-
christus primo
regnauit ex
cā Prophetia,

sur l'Apocalypse il y deux cent cinquante ans; lequel expliquant ces mots du 20. chap.v.2. Il le lia pour mille ans, dit; Par mille ans, assauoir depuis le temps de la Passion de Christ iusques à l'Antechrist. Or mille ans sont passez depuis la passion de Christ, & de plus trois cent cinquante sept: Car Christ a souffert en la trêtetroisiesme année de son aage; lesquels adioustez au nombre font trois cent nonante ans, qui est la datte de maintenant, parce que nous sommes en l'an depuis l'Incarnation de Christ mil trois cent cinquante sept; Et partant sont passez trois cent septante sept ans depuis que l'Antechrist a regné premierement selon cette prophetie. Or ie ne doute point que ce subtil esprit de Thomas n'ait bien aperceu que c'estoit là où ses aduersaires en vouloyent venir: Mais il a mieux aimé le dissimuler, que de s'escrafer les doigts sous vne pierre si malaisée à remuer.

La troisieme raison estoit prise de huit signes par lesquels ils estimoient qu'on pouuoit remarquer l'approche du temps de l'Antechrist. Le premier desquels est qu'il est dit Daniel 7. de l'Antechrist, qu'il pensera pouuoir changer les temps & la Loy, ou la Glose dit qu'il sera esleué en un tel orgueil qu'il taschera de changer les loix

& les ceremonies. Donc ils concluoyent que puis qu'il se trouuoit lors des gens qui taschoient de changer l'Euangile de Christ en vn autre Euangile, qu'ils appeloient eternal; ils monstroyent manifestement que le temps de l'Antechrist approchoit. Or Thomas respondoit doublement à cela; 1°. Que l'Eglise, assauoir Romaine, auoit reiecté ce liure là: Mais il n'adioustoit pas qu'elle retenoit la doctrine de ce liure & auançoit par toutes sortes de priuileges ceux qui l'enseignoyent; tellement que cette response commettoit la fallace qu'on appelle *Ignoratio Elenchi*: Car on ne disputoit pas du liure simplement; mais de la doctrine contenuë au liure sous quelque tiltre qu'elle fust proposée. 2°. il respondoit, que dés le temps de l'Apostre il y en auoit eu qui vouloyent changer l'Euangile desquels il dit Gal. 1. *Ie m'esbahy que vous ayez esté si tost transportez de celui qui vous a appelez à la grace de Christ en vn autre Euangile*: Ce qui estoit vn vain eschappatoire; veu que l'Apostre denonçant là anatheme contre ceux qui annonceroyēt quelque chose outre ce qu'il auoit Euangelizé quand mesme ce seroit vn Ange

Gal. 1. 8.

du ciel, nous apprend bien en quel rang on deuoit tenir la doctrine des vœux Monastiques & autres moyens de salut, qu'on forgeoit en ce temps là, nō seulement outre, mais aussi contre la doctrine de l'Apostre, lequel disoit aussi 2. Theff. 2. *que le secret d'iniquité se mettoit desia en train.*

Leur second signe estoit pris du Pseau-me, ou il est dit; *Seigneur constitue vn legis-*
 9. 21. *lateur sur eux*, ou la glose dit *asauoir l'Antechrist instituteur d'une loy meschante.* Dont ils concluoyent que puis que la doctrine susdicte qui abolissoit l'Euangile & estoit la loy de l'Antechrist auoit esté exposée dans Paris mesmes, que c'estoit vn signe que le temps de l'Antechrist estoit prest. A quoi Thomas respondoit, qu'encor que la doctrine de Ioachim ou de l'introduction à icelle, qui estoit cet Euāgile eternal cōtint d'autres choses à reprouuer qu'il estoit faux pourtant que ce fust la doctrine que prescheroit l'Antechrist; d'autant que l'Antechrist preschera qu'il est Dieu, comme il dit 2. Theffal. 2. *Iusques a estre assis au temple de Dieu, se monstrant comme s'il estoit Dieu.* Or qui ne voit que Thomas se

couploit la gorge de son propre couteau, & sans y penser confirmoit le signe proposé par ses aduersaires ? Car puis que l'Euangile est la Loy de Christ, voire la Loy de Dieu mesmes, ne s'ensuit il pas que celuy qui se constituoit par dessus l'Euāgile pour l'abolir, se constituoit par dessus Dieu mesme & se monstroient en l'Eglise comme s'il estoit Dieu ? Comme celuy qui se diroit auoir autorité d'abolir les Loix d'un Roy dedans un Royaume se porteroit en effect comme plus grand que le Roy.

Le troisieme signe estoit pris par retortion de la doctrine de leurs aduersaires contre eux mesmes : Car ce liure de l'Euangile eternal nombroit le temps du Royaume de Christ, & disoit qu'il ne dureroit que iusques à mille deux cens & septante ans, pesoit en la balancel l'Euangile de Christ & le iugeoit moindre que ce pretendu Euangile eternal, qui luy preferoit & diuisoit le Royaume de Christ, disant qu'il deuoit estre transporté à d'autres. Dont il s'ensuiuoit, que tout ainsi que lors qu'on vit escrit en Babylo-
ne ce qui est recité Daniel 5. *Mene, Dieu a calculé ton regne, & l'a mis à fin. Thekel tu as*

esté pesé en la balance , & as esté trouué leger ; Peres, ton Royaume a esté diuisé, & a esté donné aux Medes & aux Perses ; ce fut vn signe de la fin des Babylonniens: Aussi cette es-
criture là se lisant en l'Eglise s'estoit vn signe de sa fin. Aquoy Thomas respond que ce signe là estoit friuole puis que mesmes ils reprouuoient le liure qui faisoit vn tel calcul. Cela est vray; Mais aussi ne l'apportoyent ils que par retorsion contre l'aduersaire. Mais disons plus que ce signe bien pris n'est point vain: Car puis que selon l'adueu de Thomas c'est vn signe de l'Antechrist de se porter comme Dieu en l'Eglise , & c'est se porter comme Dieu , que s'attribuer ce qui n'appartient qu'à Dieu: qui niera que celui qui s'attribuë l'autorité de peser les royaumes à la balance , de les partager, changer , diuiser, transporter à qui il luy plaist , ce qui n'appartient qu'à celui qui a peu faire escrire iadis cette es-
criture, MENE, MENE, THEKEL, VPHARSIN, & s'attribuë toute puissance & authorité sur le Royaume de Christ , ne se montre en l'Eglise cōme s'il estoit Dieu, & par consequēt ne se face reconnoistre estre l'Antechrist? A quoi il y a apparen-

ce que ceux qui ont auancé ce signe ont regardé.

Les autres cinq signes estoient tirez du 24. chap. de l'Euangile selon S. Matthieu. *Asçauoir le quatriesme de ces paroles, Alors il vous liureront pour estre affligez, & vous tuëront, & vous serez haïs de toutes nations à cause de mon Nom.* Ce qui se voioit alors accompli en ce que ces gens qui semblent estre douez de quelque saincteté, ne pouuant aucunement souffrir d'estre repris, affligeoyent ceux qui les reprenoyent, suscitoient contre eux la haine des hommes & les persecutoyēt iusques à la mort. A quoy Thomas respondoit que telles tribulations estoient auenues aux Apost. & aux premiers Martyrs, voire de plus grieues: Et partant q̃ cela n'estoit non plus vn signe du tēps de l'Antechrist, qu'au siecle des Apostres. Mais il se trompoit, quand il disoit que les persecutions de la primitiue Eglise auoyent esté plus grieues que celles qui s'exercoyēt de ce tēps-là cōtre ceux qui s'opposoyent à la doctrine preschée par les Mendians: Car les persecutions en la primitiue Eglise n'estoient que corporelles, ne touchoyent qu'au corps; mais

Marth.

celles cy estoient & corporelles & spirituelles ; celles là venans de dehors & de ceux qui estoient du tout estrangers de l'Eglise de Dieu ; Celles-cy fuscitées par ceux qui faisoient profession du Christianisme & vouloyent estre estimez les Colonnes d'iceluy.

Le cinquiesme signe donc estoit pris de ces mots du mesme chapitre; *Lors plusieurs aussi serōt scandalisez & trahiront l'un l'autre & se hayrōt l'un l'autre.* A quoy il respondoit q̄ cela estoit aussi desia aduenue anciēnemēt. Cōmes'il y auoit quelque absurdité ou repugnance que Christ sous la prediſtion des calamitez qui deuoient auenir au temps de la destruction de Ierusalem eust voulu donner à son Eglise vne institution perpetuelle & luy représenter comme en vn tableau comment elle deuoit estre traictée en tout temps & principalement sous la tyrannie de l'Antechrist ? Car nous sçauons *que nulle*
 1. 20. *Prophetie de l'Escripture n'est de particuliere re-*
uelation, comme dit S. Pierre.

Ce qui seruira aussi pour la mesme re-
 plique que faisoit Thomas contre le sixi-
 4. 11. *esme signe tiré de ce verset, Plusieurs faux*
prophetes s'esleueront & en seduirōt plusieurs.

Ce qu'ils disoyent conuenir à ces nouueaux Religieux, qui comme faux prophètes ne cerchoyent que leur propre gloire, la vengeance de leurs ennemis, & non l'honneur de Christ, sans que pour cela ils voulussent nier qu'autres faux prophètes se fussent esleuez en autre temps.

Pour le septiesme signe ils le recueilloient de ces mots; *l'iniquité sera multipliée & la charité refroidira*. Ce qu'ils prenoient. en cette sorte (dit Thomas) qu'on voioit plusieurs qui sembloient estre zelateurs de la foy estre tellement refroidis en la charité qu'ils deuoyent auoir enuers Christ, qu'ils quittoyent l'Euangile de Christ pour adherer à l'Euangile eternal. Aquoy Thomas donnoit double responce. La premiere que cela estoit faux de ceux contre lesquels ils escriuoyēt, parce qu'ils ne quittoyent pas l'Euangile de Christ pour adherer à vn autre. Ce qui est faux: Car celui-là quitte l'Euangile de Christ, qui cherche salut par autre moyen que par Christ; voire *celuy-là aneantit Christ qui cherche d'estre justifié par la loy*, c'est à dire, par les œuvres, comme enseigne l'Apostre aux Galates. La seconde responce est que de tout temps il y auoit

eu des heresies en l'Eglise inuentées par ceux là qui sembloient y estre parfaicts, comme Pelagius, Nestorius & Eutyches: Mais il se trompoit en la similitude; d'autant que ces heresies là combattoient quelque point particulier de la doctrine de Christ, mais la doctrine qu'on mettoit en auant en ce temps là en l'Eglise destruisoit tout l'Euangile de Christ.

Quant au huietiésme signe ils le recueilloient de ce que Iesus Christ adjouste, *Et cet Euangile du Royaume sera presché en toute la terre habitable.* Ce qu'ils disoient s'accomplir, en ce que plusieurs annonçoient ces choses predictes par Christ à l'encontre des faux Prophetes. Sur quoy Thomas respond que plusieurs en diuers temps s'estoyent esleuez qui en auoyent dit de mesme qui s'estoient trouuez menteurs: Mais il falloit examiner si c'estoit avec pareille raison que ceux-cy: Car quant à ce qu'il dit que ces signes sont vains selon que monstre S. Augustin en l'Epistre à Hefychius ou il dit; *Peut estre que toutes les choses qui ont esté dictes par les trois Euangelistes de l'aduenement de Christ estant conferées entr'elles & examinées se trouueront appartenir à ce qui aduiert tous les iours en son*

en son corps qui est l'Eglise, duquel aduenement il dit ; Des maintenant vous verrez le Fils de l'homme venant, &c. cela monstre la vanité de sa propre responce. Car si selon S. Augustin les choses predictes par nostre Seigneur Iesus Christ auient tous les iours, c'est à dire en tout temps en l'Eglise, pourquoy ne pouuoient elles auenir de ce temps-là? pourquoy n'auientroyēt elles aussi au temps de l'Antechrist? Et pource qu'il accusoit ces gens là de tomber en la fosse qu'ils dressoyent aux autres, quand les accusant de nommer vne nouvelle doctrine l'Euangile du Royaume, eux cependant nommoient ces signes qu'ils proposoyent l'Euangile du Royaume; qui ne voit que cette comparaison est inepte & indigne de la subtilité de Thomas, veu que ces signes estoient tirez de l'Euangile de Iesus Christ & des propres parole d'iceluy: & cette nouvelle doctrine la qu'ils impugnoiēt estoit directement oppsée à l'Euangile de Christ, & faulse, comme Thomas luy mesme est contrainct d'auoüer?



CHAPITRE VII.

DE QUELLE CONDITION

*d'hommes deuoient estre tirez les Messa-
gers de l'Antechrist selon les docteurs*

susdicts de l'Vniuersité de Paris,

& comment ils l'appliquoient

aux freres Mendians.

LE me suis vn peu arresté sur le chapitre precedent pour faire voir que ce n'est pas d'aujourd'huy que nostre France a esté aduertie de se garder d'estre surprise par l'Antechrist & les fondemens qu'on proposoit de cet aduertissement il y a plus de trois cents ans: je serai plus court au point qui nous reste sur ceste matiere, qui autrement requiert vn plus long traicté. D'autant donc que ce qu'ils affermoient que ces nouveaux religieux Mendians estoient *Messagers de l'Antechrist*, sembloit repugner à

l'opinion vulgaire; ils prouuoient que les sedueteurs, & meſſagers de l'Antechriſt ne deuoient pas ſortir d'entre les natiōs Barbares & Payenes, ou d'entre les Iuiſ: Mais d'entre les Chreſtiens & d'entre ceux qui auroient quelque apparence de pieté & de ſcience. Ce qu'ils monſtroient par ce que prophetiſe l'Apoſtre des derniers temps, quand il dit, *Or ſache cecy qu'es*

2. Timot. 3. 1.
& ſeq.

derniers iours il ſuruiendra des temps faſcheux:

Car les hommes ſeront amateurs d'eux meſmes &c. Ayans, dit il, l'apparence de pieté, c'eſt à dire, (dit la Gloſe) *de la Religion Creſtienne.*

Car encor qu'en autre temps il y en ait eu de tels, on ne peut nier que ſelon le dire de l'Apoſtre cela n'aduene principalement aux derniers iours.

Et de faiet diſoient ils; pour auoir efficace à la ſeduction il faut auoir apparence de bonté: Car qui eſt-ce qui ſe lairra ſeduire par une perſonne apparemment meſchante? Car ce que Thomas replique que pluſieurs ſont ſeduits par les delices & par la terreur, pluſtoſt que par l'apparence d'honneſteté, cela ne conuient pas aux Docteurs, dont il ſagit, qui rarement peuuent ſeduire ſans quelque appaſt de pieté premierement: Mais qui prend for-

ce puis apres ou par l'esperance de commodité & de delices en la fuite d'iceux, ou par la terreur du supplice ou des tourmens, en les reiettant. Toutes lesquelles choses se rencontroyent en la seduction d'alors : Car paix & commodité estoit proposée à ceux qui les escoutoiēt. La guerre, les feux, la mort à ceux qui ne se vouloyent ranger à leurs superstitions.

Que ce n'estoit pas, disoyent ils, de merueille que ces seduſteurs là se rencontrassent entre ceux qui vacquoyent à la science des lettres, veu que S. Gregoire dit *que comme la verité incarnée à choisi pour prescher de pources idiots & simples: qu'ainsi aucōtraire l'Antechrist choisiroit pour prescher sa fausseté, des hommes rusēz, & doubles & ayans la science de ce monde.*

Gregor. lib. 3.
Moral.

Que mesmes ces messagers de l'Antechrist pouuoient estre du nombre de ceux dont le conseil seroit reputé plus excellēt & pretieux en leur temps, comme si c'estoit le conseil de Dieu mesmes, comme il est dit d'Achitophel 2. Rois (ou Samuel) 16. lequel ayant esté premierement avec Dauid se rengea puis apres avec Absalon, comme ceux-cy

aians esté premierement avec Christ seront puis apres avec l'Antechrist. A cause de quoi il est dit 2. Timot. 3. *Ayans apparence de pieté; & puis il suit, gens du tout corrompus d'entendement, reprouuez quant à la foy.* Et 1. Iean 2. *Ils sont sortis d'entre nous, & la Glose, Ils communiquent avec nous es Sacrements.* Et S. Gregoire escriuant sur ces paroles de Iob chap. 30. *A la dextre d'Orient &c.* dit, *Les calamitez s'eleuent à la dextre d'Orient, parce que ceux la mesme s'eleuent à persecuter l'Eglise, qu'on croioit estre membres elus du Redempteur.*

En somme, Ils concluoiert qu'il n'y auoit point d'impossibilité que ceux là ne fussent *Messagers de l'Antechrist*, qui estoient en apparence Chrestiens & gens de bien, addonnez aux estudes des lettres, fameux à donner conseil, & religieux se disans estre inuincibles aux conseils Euangeliques; qui est comme dit Thomas designer aussi clairement ceux desquels ils parloient, comme si on disoit *le fils de Soffronicus* pour dire *Socrates*.

Mais comme il y allast de la cause du Pape en ce faict ici comme il est aisé de iuger par ce que nous auons recité; aussi le Pape Alexandre 4. condamna Guillau-

me de S. Amour, homme cependant (comme l'appelle Antonin de Florence)

De grande science & estime en l'Vniuersité de Paris, le deposa de toute dignité, & augmenta les ordres des Mendians de toutes sortes de priuileges : Tellement que Guillaume de S. Amour & quelques autres de ses compagnons furent contrains de s'absenter à la poursuite mesmement de Hugues Cardinal de l'ordre des Iacobins selon la charge qu'il en auoit du Pape. Ce qui troubla merueilleusement l'Vniuersité à cause de l'affection qu'on portoit à ces personnages là, pour lesquels Philippe Chancelier de l'Vniuersité & plusieurs autres Docteurs tant à Paris qu'ailleurs tenoient formellement, & osoient mesme defendre leur cause publiquement tant en disputes, que par escrits: entre lesquels furent fort celebres deux Anglois ; l'un nommé Laurent ; l'autre Iean Driton dit de Villesseche, & vn Italien nommé Gerard.

ANTONIN.
p. 3. tit. 19 c. 7.
Guilielmus de
Sancto Amore
Doctor Parisi-
ensis, magnae
scientiae & opi-
nionis in uni-
uersitate.



CHAPITRE VIII.

*Quelle doctrine Dominique & ses Sectateur
ont introduict au monde.*



I tout le monde estoit au-
iourd'hui conuerti à Christ,
& que la Parole de Dieu fust
preschée & receue en tous
lieux sans contredict, toute
faulse doctrine cōtraire abbatus & estein-
te; Il ne seroit besoin de retirer de l'oubli
des siecles les choses que nous represen-
tons, & que nous desirerions estre ense-
uelies pour iamais. Mais d'autant qu'il
semble que plus la lumiere de l'Euangile
se leue vers nous, & plus il s'eleue aussi de
gens qui taschent de l'estouffer par leurs
inuentions; entre lesquels particuliere-
ment est estrange la diuersité de ceux qui
se reclament de S. François, comme les
Capucins, les Recolez & autres nouuel-
lemēt esclous, lesquels differens en habits,
en regles, en mœurs, se glorifient tous ce-
pendant d'estre obseruateurs de la vraye

regle dudit François, & d'estre les legitimes heritiers de sa pureté volôtaire. C'est pourquoy il est bon qu'on sache quels sont les fondemens de ceux qui (apres les Iesuites) se bandent le plus viuement contre la doctrine de verité, quel a esté le dessein de leurs premiers instituteurs ; & comme leurs ordres ont esté bastis directement pour combattre Christ, aneantir le merite de sa Croix, fouler aux pieds tous ses benefices , mettre des Idoles en sa place, afferuir les ames rachetées par le sang precieux d'iceluy à vn joug de seruitude insupportable, & establir le throne de l'Antechrist en renuersant celuy de Christ ; Afin que leur turpitude estant proposée à la veüe de tous , chacun se donne garde de tels Docteurs, & ceux qui pipez de l'apparence de leurs sainteté les escoutent , ou sont desia mesme enlancez en leur filez s'en delacēt de bonne heure pour adherer à nostre seul Sauueur Iesus Christ, & qu'au lieu de dire, *je suis de Paul, je suis de Cephas, je suis d' Apollos; je suis de Benoist, de François, de Dominique;* nous nous contentions de ce beau nom de Chrestiens , & de nous dire estre à Christ ; auquel nous sommes obligez,

par le vœu solennel de nostre Baptême.

L'ordre donc des Mendians est distinguée en deux branches; assavoir des freres Prescheurs surnommez Iacobins à cause du couuent qu'ils ont à Paris en la rue S. Iacques; & des freres Mineurs, qui sont puis apres diuisez en vne infinité de sortes qu'il seroit long de raconter. Car quant aux Ermites de S. Augustin & Carmes qui ont esté ioincts aux Mendians par priuilege, comme dit Antonin, mon but n'est pas d'en parler. Les aînez de ces freres sont les Iacobins, à cause que Dominique l'instituteur de leur regle est paru au monde auant S. François & est mort aussi auant luy. Et pour tant aussi nous parlerons de Dominique auant que de traicter de l'autre.

Antonin. Florent p. 3. hist. tit. 23. cap. 1.

Premieremēt on n'a point eu de honte de preferer Dominique à S. Paul, & à tous les Apostres; & sa doctrine à la leur, tesmoin vne peinture qui estoit à Venise au temple de S. Marc, comme dit Antonin, en laquelle se voyoient deux portraicts, l'un de S. Paul, l'autre de S. Dominique; celle de S. Paul ayant cet escribeau, *Par cettui-cy on va à Christ;* & cel-

Antonin. p. tit. 23. cap. 1. §. 1.

Per istum i. ad Christum

*facilius iur
et istum.*

le de S. Dominique ces mots , *On y va plus facilement par cettui-cy.* Sur quoy l'Archeuesque Antonin donne cette sen-

*Je mireris de
scriptura huius
modi; quia do
ctrina Pauli,
cui & catero-
rum Apostolo-
rum erat doctri-
na inducens ad
idem & obser-
uantiam pre-
ceptorum: Do-
ctrina Domi-
nici ad obser-
uantiam confi-
rentem; & ideo
utilius per ip-
sum iur ad
christum.*

tence, *Ne t'esmerueille point de cette escritu-
re; parce que la doctrine de Paul, comme aus-
si celle des autres Apostres estoit vne doctrine
induisant à la foy & obseruatiō des cōmādemens:*

*& la doctrine de Dominique induit à l'obser-
uation des conseils; & partant va on par luy
plus facilement à Christ.* Blaspheme du tout
execrable, contre Dieu, contre S. Paul:

Contre Dieu qui auroit voulu cacher à
son Eglise par tant de siecles le plus faci-
le moien de venir à Christ, par le-
quel seul nous pouuons aller à luy; ius-
ques à ce que cet Espagnol Domini-
que vint au monde: Contre S. Paul qui
prononçoit si asseurement; *Je ne me suis
point retenu que ie ne vous aye annoncé tout le
conseil de Dieu.* A cause de quoi il disoit

R. 20. 27

Mat. 2. 8.

ailleurs; *Quād bien nous mesmes ou vn Ange
du ciel vous euangelizeroit outre ce que nous
vous auons euangelizé, qu'il soit execration.*
Et toutesfois c'est cette fausse presuppo-
sition là des conseils Euangeliques &
d'un plus facile moyē pour aller à Christ
que celuy que les Apostres ont enseigné
qui depuis tantost quatre cents ans a se-

duict tant de milliers d'ames qui ont pris l'escharpe de Dominique & de François. Dont il paroist que leur intention a esté de proposer vn autre moyē de salut que celuy qui a esté proposé par les Apostres; qui doit rendre leur doctrine suspecte à tous Chrestiens.

Secondement ils ont voulu mettre Dominique en la place de Christ l'osant comparer à luy és choses mesmes esquelles on ne peut en sorte quelconque tirer comparaison sans blaspheme, & ou Iesus ne peut auoir de compagnon; Voire en beaucoup de choses ils l'ont preferé à Christ. Car non contens de se iouer du nom de *Dominus*, c'est à dire Seigneur, tiltre de nostre Sauueur pour no^r auoir acquis à soi & rachetez par le prix de son sang, & d'y rapporter celuy de *Dominicus*; ils disent que comme à la naissance de Iesus Christ parut vne estoile luisante qui conduisit les Sages à luy, aussi sur le front de Dominique auant qu'il fust baptizé ou comme on le vouloit baptizer parut une estoile pour designer cette nouvelle lumiere du monde. Merueilleuse comparaison du songe d'vne femme à vne chose si clairement certifiée par de

Antonin hi.
p. 3. titul.
23. & 2. § 8.

*Super baptizatum
dum nias
spiritualis
leum aspexit.
Nouum sub
premonstrauit
seculi.*

Matth. 2-

Eodem libr.
cap. 4.Antonin p. 2.
c. 23. c. 2 § 1.mixus dile-
ctus & lauit
à peccatis
in san-
guine suo: Dr-
maticus verb
ritatis per-
fione non va

si illustres tesmoins en l'Euangile. Car afin que vous voyez comment les menteurs s'accordent. Antonin apres auoir recité que la marraine de Dominique vit vne estoille sur le front d'iceluy, comme on le vouloit baptizer nous donne luy mesme la Legende entiere de Dominique qui recite cela auoir esté veu par songe par celle qui l'auoit leué sur les fonds, cōme cet enfāt eust desia donné des marques de sa saincteté quittant le liēt de sa nourrice pour coucher contre terre; qui mōstre cōmēt ces gēs se iouēt licentieu-
semēt des mysteres de la parole de Dieu.

Le Pere de nostre Seigneur Iesus Christ c'est Dieu bien heureux, voire la felicité mesme, & Dieu de toute consolation; la Mere a esté la Sainte Vierge Marie, dicté par l'Ange pleine de grace: Aussi disent ils, le Pere de Dominique se nommoit *Felix*, c'est à dire heureux; & la Mere *Ieanne*, qui signifie ce que l'Ange attribuoit à la Vierge Marie. Mais ce qui suit touche directement le merite de Christ & nostre Redemption. *Le Seigneur nous a aimez & nous a lauez de nos pechez en son sang. Mais Dominique* (ce sont leurs propres termes) *non vuide de la perfection de*

charité, donnoit la nuit à Dieu vacquant à Oraison & Meditation: & accommodoit le iour aux prochains, insistant en predication, en disputes contre les heretiques, en exhortations aux freres, & à ouir les confessions. Ainsi le zele de compassion enuers les prochains le mangeoit de sorte que pour racheter vne personne captiue entre les infideles il s'offrit pour estre vendu. Il se donnoit quasi tous les iours la discipline par trois fois de sa main propre, non avec vne cordelette, mais avec vne chesne de fer iusqu'à effusion de sang; vne fois pour ses pechez, **VI N'ESTOYENT POINT**; vne fois pour ceux qui estoient en purgatoire; & la troisieme pour ceux qui sont au monde, La Beste dont il est parlé au 13. chapitre del'Apocalypse ouurit-elle iamais sa bouche en blasphemies plus horribles, contre Dieu, contre son Nom, que ceux cy? Voicy l'Amour d'un homme mortel comparé, voire préféré à l'Amour du Fils vnique de Dieu, de celuy qui estant en la forme de Dieu n'estimant point rapine d'estre esgal à Dieu: s'est aneanti soi mesme, a prins la forme de seruiteur, s'est abbaissé soi mesme, & a esté obeissant iusques à la mort, voire la mort de la Croix, De celuy qui disoit; Nul n'a plus grand amour que cetui cy quand quelqu'un met son ame pour

curus, notens
impendebat
Deo media io-
ni & oratione
vacans Diem
verò proximis
accommodabat;
predicationi-
bus, disputatio-
nibus, contra he-
reticos, in ex-
hortationibus
ad fratres; au-
dientis confes-
sionibus insiste-
do. Ita zelus co-
passionibus ad
proximum co-
medebat eum,
ut proredimen-
da persona ab
infidelibus ca-
pta se offerret
veniendum.
Trinam disci-
plinam quasi
quotidie de ma-
nu propria non
choridula, sed
caena ferrea
usque ad san-
guinis effusionem
capiebat. Pro
suis culpis, vi-
nam, que mihi
me erant. pro
in Purgatorio
existentibus a-
liam: tertiam
pro ijs qui ver-
santur in mari-
do.
Phil. 2. 6.

Rom. 5. 8.

ses amis : a paissé encor les limites de cet amour, mourant pour les pecheurs ; & par consequent pour ses ennemis. Voicy le sang de Dominique tiré à coups de chaisnes de fer, comparé au Sang de l'Agneau sans macule espendu en la Croix: Voicy l'Innocence de Christ mise en la balance avec celle d'un Moine; Car Christ a esté nauré pour nos forfaicts, & froisé pour nos iniquitez. Sa playe (dit Esaie) luy est auenue pour le forfaict de mon peuple : Et voicy qu'on nous propose Dominique espendant son sang pour les pechez des viuans & des morts, pour les siens aussi; Mais quels, que minimè erant, qu'il n'auoit point, ou s'il y a faute de l'escriture, au moins qui estoient tres petits; & par consequent souffrant pour les autres; Voulez vous encor encherir l'impieté? Iesus Christ a espëdu son Sang pour les humains au temp de la Passion: Et Dominique l'espendoit trois fois presque tous les jours,

Or à quoy seruoient ces comparaisons sinon que ces gens vouloient enseigner qu'on n'auoit que faire du sang de nostre Seigneur Iesus Christ, puis que chacun par son propre sang pouuoit satisfaire pour les pechez, & pour ceux d'autrui?

Et de

Et de faiet voicy vn apophtegme de Dominique mesme qui monstre cette intention. Car comme ledict Dominique & quelques autres s'acheminassent pour disputer en vne certaine ville contre les Albigeois, & fissent ce chemin pieds nuds par des lieux malaisez & pleins d'espines, en sorte que le sang leur couloit des iambes; voicy comment il confortoit ses compagnons leur disant; *Passons courageusement assurez de la victoire, Car nos pechez sont nettoyez en nostre sang.*

Quant aux miracles, ils ne craignent d'en attribuer d'auantage & de plus admirables à Dominique qu'à Christ, comme chacun peut voir en sa legende: Mais en voicy vn traiet estrange entre autres. (Christ disent-ils) *estant faiet immortel est entré deux fois vers ses disciples les portes estant fermées: Mais Dominique estant encor mortel, ce qui est plus admirable, est entré de nuit en une Eglise fermee de peur de reueiller ses freres.* De sorte qu'ils n'ot plus besoin de disputer de priuileges des corps glorifiez pour l'*Vtopie ou Polytopie* du corps de Christ c'est à dire, pour la questiō du cors de Iesus Christ s'il peut estre qlq̄ part sās occuper lieu, où estre en plusieurs lieux tout à

ANTONIN.

p. 3. tit. 23.

c. 2. §. 1.

Viriliter procedamus securi de victoria: iana enim peccata nostra purgantur in sanguine nostro.

ANTONIN

p. 3. tit. 23.

cap. 1 §. 1.

(Christus immortalis effectus bis ianuis clausis ad discipulos intrauit.

Dominicus vero adhuc mortalitatis (quod mirabilis est) in Ecclesiam clausam noctu ingressus est, non fratres exstiterunt.

la fois, pour autoriser la preséce réelle & locale d'icelui en l'Eucharistie, puis que Dominique estant en ceste vie mortelle à bien peu prendre telle qualité en son corps, seulement de peur de troubler le repos de ses Moines?

Que si on dit que cepédât ils ne laissent d'exalter Iesus Christ par dessus tous, & de dire qu'ils ne luy veulent pas egaler Dominique, & que Antonin mesme faiét cette protestation-là; ie l'auoüe: Mais ie dis que c'est afin de couler plus aisement leur poison sous ce miel là, & qu'on se donne moins de garde de leur artifice; Car s'ils ne vouloient egaler Dominique à Christ, comme ils disent de paroles, pourquoy le font ils en effect? voire pourquoy le preferent ils à Christ en effects? Et pourquoy Antonin ayant représenté ces belles conformitez-là vient il à conclure qu'on peut dire de Dominique ce qui est dit au Pseaume; *Tu es plus beau que aucun des fils des hommes, grace est espendue en tes leures.* Psal. 44. 3. Ce qui a esté chanté prophetiquement de Christ en forme de chant nuptial de luy & de l'Eglise? Qui n'est autre chose que vouloir raurir à Christ son espouse pour la mener à vn autre espoux par vn detestable sacrilege.

Mais afin qu'on voye comment leur intention n'a esté que de destourner les hommes de Christ, il nous faut encor représenter icy de quelles couleurs ils ont depeint ce bon Sauueur, bien diuerses & contraires à celles desquelles il nous est pourtraict en l'Euangile; & dont cependant la cause de l'institution des deux ordres de Dominique & de François descend. L'Escripture Sainte nous represente nostre Seigneur Iesus Christ pour la mesme douceur & charité; *Il n'estriuera point, ni ne crierà, & personne, dit elle, n'orra sa voix par les rues; Il ne brisera point le roseau cassé, & n'esteindra point le lumignon fumant; Elle nous dit, qu'il est nostre paix; que Dieu estoit en Christ se reconciliant le monde en ne leur imputant point leurs pechez; Que c'est luy qui est mort; & qui plus est qui est resuscité, lequel aussi est à la dextre de Dieu, & qui faict mesme requeste pour nous; Il crie; Venez a moy, vous tous qui estes trauaillez & chargez, & ie vous soulageray. Chargez mon ioug sur vous, & apprenez de moy que ie suis debonaire. Au contraire voicy comment ils le nous depeignent.*

Matt. 12. 19.

Ephes. 2. 14.

2. Cor. 5. 19.

Rom. 8. 33.

Matth. 11. 29.

Comme, disent-ils, S. Dominique fust à Rome pour demander au Pape la confirmation

Iacobus &
Voragine i
Legenda A
1266. 1082

de son ordre, une nuit en priant il vit en esprit, Iesus Christ estant en l'air tenant trois lances en sa main, & les lançant contre le monde.

Antonin. p. 1.
titul. 23. C. 3.

Auquel sa Mere se presentant promptement au deuant luy demanda que c'est qu'il vouloit faire. A quoi il respondit; Voicy tout le monde est plein de trois vices, assauoir orgueil, conuoitise, & auarice; & pourtant le veux ie occir auec ces trois lances. Alors la vierge se iettant à ses genoux luy dit; Mon tres cher fils, fai merci, & tempere ta Iustice par Misericorde. A laquelle Christ dit; Ne vois tu pas combien d'offenses on me faiet. Mis elle luy dit; Modere, mon fils, ta fureur, & attens vn peu: Car i'ay vn fidele seruiteur & vaillant champion qui courant par tout veindra le monde & le subiugera à ta domination: Je te donneray aussi vn autre seruiteur qui combattra fidelement auec luy. A laquelle le fils dit; Or ça i'ay esté appaisé, & ai receu ta face: Mais ie voudrois bien voir ceux que tu veux destiner à vne si grande charge. Alors elle presenta à Christ S. Dominique. Et Christ luy dit; vraiment cettui cy est bon & vaillant champion, & fera soigneusement les choses que tu as dictes. Elles luy offrit aussi S. François. Et Christ aussi loua le second, comme il auoit faiet le premier. Or quelle peut auoir esté l'intention de

ceux qui ont auancé ces discours pleins de blasphemés; sinó de degouster les hómés d'aller droict à Christ sous l'apprehension de sa fureur, & leur preséter d'autres moiéneurs qu'ils disoient estre plus doux, soit la vierge Marie, soit ceux qui luy font donner à Christ? au mespris de ces belles promesses du fils de Dieu; *Qui croit en moy a vie eternelle. Je ne ietteray point hors celuy qui viendra à moy. Quoy que vous demandiez en mon nom, ie le ferai; afin que le Pere soit glorifié par le fils. En verité en verité ie vous dis que toutes les choses que vous demanderez au Pere en mon nom, il les vous donnera. Et ces sentences Apostoliques; Nous auons vn Aduocat enuers le Pere, Iesus Christ le iuste; Item, Ily a vn Dieu, & vn moiennneur de Dieu & des hommes Iesus Christ homme.*

Ican 6. 47.


Ican 6. 37.

Ican 14. 13.

Ican 16. 23.

1. Ican 2.

1. Tim. 2. 5.



CHAPITRE IX.

De la Theologie de S. François & de ses freres Mineurs.

C E que nous venons de reciter de Dominique ne peut que sembler estran-

ge aux ames Chrestienes & ialouses de la gloire de leur Sauueur : Mais ce n'est rien pourtant à comparaison de ce qui se lit de son compagnon François au liure des Conformitez composez par Barthelemi de Pise & approuué au chapitre general de tout l'ordre des freres Mineurs tenu à Assise l'an 1399.

Car il excede de beaucoup en la comparaison de François avec nostre Seigneur Iesus Christ par dessus celle qu'ôtaict de Dominique en ce que passant par dessus toutes les actions de la vie de Iesus Christ non seulement ils egalent François, mais mesmes le font surpasser en plusieurs choses nostre Seigneur: & n'y a Prophetie de l'Ecriture qui ne soit deprauee à ce subiect. Je me contenteray de monstrier par vn exemple comment ils traictent les autres lieux de l'Ecriture. L'Apostre au 10. ch. de la 1. Ep. aux Corinthiens dit que *les Peres ont tous beu d'un mesme bruuage spirituel*: Car ils beuuoient de la pierre spirituelle qui les suiuoit, & la pierre estoit Christ; nous declarant par là que signifioit la pierre qui fut frappee par Moysse au desert, & l'eau qui en decoula, dont toute l'assemblée but, com-

me il est recité Exode 17. & Nombres 20. Mais les disciples de S. François l'interpretent bien d'une autre sorte en ces mots; *Le 41. acte de la vie de S. François est d'avoir fait sortir de l'eau d'une pierre, assavoir en la montagne, quand il obtint par son oraison de l'eau pour un homme sur l'asne duquel il estoit monté. Moïse figura cet acte, lequel fist sortir de l'eau du Rocher le frappant de sa verge par deux fois. Si cela n'est se mocquer de la parole de Dieu qu'on nous die donc que c'est?*

Libr. 1.
Conformatat.
fruct. 1. part.
2.

Prolog. 2.
Conform.

Que si vous voulez sçavoir la fin pour laquelle Dieu à fait S. François Ils vous disent que cela est montré au 1. & 2. chap. de Genese en ces mots; *Faisons l'homme à nostre image & semblance, qui ait domination sur les poissons de la mer, sur les oiseaux du ciel, & les bestes de la terre, &c.* Par lesquelles paroles il est signifié, disent-ils, que S. François devoit estre homme; tres singulier, comme destiné de Dieu au monde; tres sincere, parce qu'il devoit estre homme & par consequent non sensuel; tres parfait, comme estant à l'image de Dieu; tres exemplaire, comme à la semblance de Dieu; *tres austere en sa vie, comme presidant sur les poissons de la mer;*

tresaimè des Anges , parce que ioinct aux oiseaux des Cieux; tres ami des pecheurs , comme ioinct aux bestes de la terre. &c. Ce qui est encor esclaircy & enrichi en cette sorte en vn autre endroict , quand ils disent;

Libr. 2.
Conformat.
fruct. 1. p. 2.

[Tout ainsi qu'Adam desobeissant à Dieu,toute creature a esté rebelle; Aussi à S. François accomplissant tous les commandemens de Dieu toute creature à serui: Tu as assubiecti toutes choses sous ses pieds & l'as constitué sur toutes les œuures de tes mains , & il pourroit dire à bon droict ce qu'on chante en l'Euan-gile de sa feste, & est la parole de Christ. Toutes choses m'ôt esté dōnées de mon Pere: Car nō seulemēt les choses qui sont sur les Cieux comme les esprits surcele-stes; mais aussi les elemens qui sont sous les Cieux , les arbres , les oiseaux avec les poissons & les animaux tant irraisonnables que raisonnables. Et ce qui est plus grand Dieu mesme Seigneur de toutes choses a voulu OBEIR & COMPLAI-RE à S. François.]

quod maius
D. Denis B.
francisco P
RE &
OMPLA-
RE com-
leuit.

Et de faiet ce n'est de merueille si les disciples de François ont esté si bons ex-positeurs de la parole de Dieu; puis qu'il n'y auoit rien dont il les destournast si

feueremēt que de la lecture de l'Eſcriture
Sainte, au lieu que noſtre Seigneur Ieſus
Chriſt y inuitoit ſi expreſſement diſant;

Enquerez vous diligemment des Eſcritures: Ican. 5. 39.

Car vous eſtimez auoir par icelles vie eternelle,

& ce ſont elles qui portent teſmoignage de moi.

1. Pierr. 1. 19

Et S. Pierre; *Nous auons auſſi la Parole des
Prophetes tresferme, à laquelle vous faiçtes
bien d'entendre, comme à vne chandelle qui ef-
claire en lieu obſcur; iuſques à ce que le iour cõ-
mence à luire, & que l'eſtoile du matin ſe leue
en vos cœurs.* D'où vient que ceux de Ber-
rée ſont louez de ce qu'ils conſeroient

iournallemēt les Eſcritures pour ſçauoir
ſ'il eſtoit ainſi que S. Paul leur annonçoit.

Mais François touché d'un autre eſprit
defendoit cette lecture aux ſiens: teſ-
moin ce qui eſt recité en la nouuelle

Chronique des freres Mineurs, au chap.

32. dont l'argument en ceſtuicy; *Combien*

il (à ſçauoir S. François) eſtoit ennemi de

l'vſage des liures ſuperflus; qu'un Nouice

ayant eu congé d'un Vicaire general d'a-
uoir un Pfautier pour apprendre à lire

avec iceluy, & deſirant d'en auoir la li-
cence de S. François apres qu'il eut eſté

faiçt profez; S. François ne le luy voulut

accorder pour la premiere fois & comme

Chronique
S. François
2. ch. 3. f. 11
de l'impreſſ
in 4. iouxt
copie de P
me.

estant tenté du Diable(car notez qu'il appelle ainsi le saint desir de lire la Parole de Dieu) Il eust demandé pour la seconde fois cette licence, l'ayant bafoué ridiculement, lui dit d'abondant ces mots ; *J'ai esté tenté autrefois comme vous estes maintenant d'auoir plusieurs liures, mais pour sauoir si c'estoit la volonté de Dieu , ie pris vn liure ou estoient escrits les Euangiles & demandai à sa diuine Majesté qu'il luy pleust me monstrier sa sainte volonté à l'ouuerture d'iceluy; à laquelle ie rencontray ces paroles de lui mesmes. La connoissance des mysteres du Royaume de Dieu est ottroïée à vous simples , & aux autres en paraboles. Voila pas vn passage bien expres pour defendre de lire le Psautier ? Ce n'est pas tout: Car plusieurs mois depuis cecy. S. François estant à nostredame des Anges , le mesme Religieux estant (comme ils parlent)extremement tenté, lui recommanda encor sa susdite licence de tenir vn Psautier: le S. Pere lui dit; Va, fais ce que le Vicaire general t'a ottroyé. Le Religieux retournoit par ou il estoit venu: Mais le S. Pere pensant à ce qu'il auoit dit marche apres luy , & l'ayant atteint luy dit. Mon fils reuenez avec moi, & me monstre le lieu auquel ie vous ai dit que vous fissiez du Psautier ce que le Vicaire*

general vous a permis. Y estans S. François se mit a genoux deuant le dict Religieux lui disant: Mon frere, ie dis ma Coulpe, Ic dis ma coulpe; puis adjousta; sachez que qui veut estre bon frere Mineur, ne doit auoir autre chose que son habit, la corde, les mutandes, comme la regle l'en ioinct, & les chasseures à ceux qui seront forcez d'une extreme necessité: tout le reste est superflu & contre la pureté & poureré de la reigle. que nous promettons à Dieu de garder. Or pourquoy pensons nous qu'il defendist si estroitement d'auoir en main la Parole de Dieu, sinon de peur que par icelle on n'apprist à descouurir le masque de son hypocrysie? Car autremēt; s'il eust desiré que ces Moines eussent appris la vraye pieté, humilité, patience, perseuerence en oraison; que leur deuoit il plustost recomāder que la lecture du Psautier? Car comme a bien dit S. Augustin: *Qu'est-ce qu'on n'apprend point aux Pseaumes?* Le liures des Pseaumes, dit le grand Basile, comprend ce qui est le plus utile de toutes choses, il predit les choses auenir il recite les histoires, il prescrit les lois de la vie, il admonnest de ce qu'il faut faire; & pour dire en un mot, c'est comme un cabinet de tous bons enseignemens, d'ou on peut tirer ce qui est utile à la guerison de chacun.

Basil. in pri
Psal.

Secretorum
Dei abscondi-
tor fidei.

Et pourtant n'est-ce pas sans cause que S. François est nommé *Fidele cacheur des secrets de Dieu*, au liure 1. des Conformit. fruit. 8. p. 2. Si toutesfois cela est vne fidelité, & non pas plustost vne desloyauté en celuy qui veut estre veu dispensateur d'iceux,

Vide Confor.
lib. 1. fruit. 9.
p. 20

En somme en quelque lieu que vous iettiez les yeux sur les escrits de ceux qui ont recité les faiçts de S. François ; vous trouuerez qu'il n'a rien tasché d'insinüer sinon sa regle au lieu de l'Ecriture Sainte comme si c'estoit l'Euangile mesme. A quoy ils font seruir vne infinité de visions supposées & des paroles de l'Ecriture Sainte prises à contre sens ; comme ce qui est dit Galat. 6. *Et tous ceux qui marcheront selon cette regle, paix soit sur eux & misericorde sur l'Israel de Dieu* ; comme si S. Paul auoit voulu parler de la regle de S. François : Car quant aux miracles qu'il a faiçts, si on les croit, ils surpassent, & tous ceux de Christ, & tous ceux des Apostres, Mais à fin de ne nous arrester plus long temps en ces ordures : Voici vne recapitulation des Cõformitez qu'ils font de S. François avec Iesus Christ, qui fera connoistre à plein qu'elle est la modestie

de ceste secte & ce qu'on en doit juger.

Car pour monstrier qu'il estoit conue-
nable que S. François eust l'impression
des Stigmates de Christ, Ils apportent
qu'il auoit esté conforme & semblable
à Christ. [1°. En Connoissance. 2°. en
son enuoy au mode comme Iesus Christ
auoit esté énuoyé du Pere. 3°. En sa
naissance & generation. 4°. En sa ma-
nifestation. 5°. En persecution. 6°. En
la queste del'aumosne. 7°. En tour-
ments du Diable. 8°. En assemlément
de disciples. 9°. En constitution de
regles & d'ordonnances. 10°. En in-
formation d'Apostres. 11°. En enuoy
de disciples. 12°. En institution de ses
disciples. 13°. En operation de signes.
14°. Auzele des ames. 15°. En sou-
lagement. 16°. En choix de poureté.
17°. En humiliation. 18°. En I ra-
diation, 19°. A affliger sa chair. 20°. A
appaiser la mer. 21°. A jetter hors les
Diables. 22°. A conuertir l'eau en vin.
23°. En oraison. 24°. à auoir repeu le
peuple. 25°. En perfection de vie. 26°.
En l'inspection des cœurs. 27°. En la
commotion des peuples. 28°. En
punition. 29°. A celebrer la Cene avec

Lib. 3. Conf.
fruct. 3. p. 2. fo.
299. 300.

La nouvelle
Chronique re-
cite aussi com-
me S. Fran-
çois fist la Ce-
ne avec ses
freres rompant
le pain & leur
donnant vn
morceau d'iceluy
leur disant
qu'ils le men-
geassent pou
son amour.
lib. 3. ch. 69

ses disciples. 30°. Aux paroles qui leur dit en cette Cene auant sa mort.) Et voila pour les Actiōs personnelles. Et quāt aux secondes qu'ils appellent perfectionnelles qui sont diuerſes ſortes de vertus; Ils veulent auſſi que S. François ait eſté conforme à Chriſt en toutes celles qu'il a fait paroître en la Croix iuſques à ce qu'ils viennent aux actions paſſionnelles de noſtre Seigneur Ieſus Chriſt, comme ſōt d'auoir eſté vëdu, d'auoir eſté trahi, pris, lié, *qui in B. F. per eſtē fuerunt,* *mocqué, frappé, couronné, deſpouillé, crucifié, remarqué par vn tiltre ou eſciteau ſur ſa croix, frappé d'un coup de lance; tous leſquels ont eſté,* diſent-ils; parfaitement en S. François. A ſauoir ſelon leur ſpiritualité, ſelon laquelle ils viennent à lui appliquer toutes ces choſes-la d'une façon eſtrange juſqu'au tiltre de la croix meſme & au coup de lance: Voicy leurs propres mots.

[S. François a eſté intitulé du tiltre de Ieſus, par la Conformité qu'il a eüe à la vie de Chriſt; N A Z A R I E N, parce qu'il a eſté vierge trespur; Roy, par la cōſecration & reglement des ſens interieurs; D E S I V I F S, parce que plein de ioye & de lieſſe il a excité toutes creatures à louer Dieu; comme on chante de luy, Il a eſté

percé delance, par la dilection de toutes choses, dont on a un signe en ce qu'il apelloit toutes creatures du nom de frere & de sœur: Voire; * Car il apelloit, le loup, l'asne, le feu ses freres; l'allouette & la cigale ses sœurs, & semblables.

* Ceci se voit non seulement es conformités en plusieurs endroits: Mais du loup, du feu, de la cigale se voit aussi en la Chronique nouvelle ch. 3. 40. 41. du liur 2.

Mais encor n'en demeurent ils pas là. Car ils disent que le costé de S. François fut ouuert comme celuy de Christ, par Iesus Christ mesme, & qu'en ses mains & en ses pieds furent inferez des cloux de chair semblables à ceux desquels Christ fut cloüé en la Croix: Ce qu'ils nomment la stigmatifation de S. François, Miracle qu'ils preferent à la creatiō du Ciel & de la terre, à la creation du paradis celeste & terrestre; à tous les miracles du viel & du Nouveau testament, à toutes les graces & reuelations faictes aux Prophetes & Apostres: Que dije à tout celà? C'est trop peu pour eux: Mais mesme à l'efficace de la Croix de Iesus; voicy leurs propres termes, [C'a esté; disent-ils, chose admirable que Christ ait donné vne telle efficace à sa croix: Mais ç'a esté chose plus estrange de se donner totalement à S. François par la stigmatifatiō. C'a esté chose admirable que Christ ait

Lib. 3. Confess. 7. p. fol. 205. & 306.

Mirabile fuit (hri)

dedisse; sed ma-
ius fuit B. F.
stigmatizatione
se totaliter de-
diffe. Mirabile
fuit Christum
in iudicio corpus
suum integrum
seruasse; Sed
maius fuit in
B. Franciscum
stigmata sua per
duos annos sine
putredine con-
seruare; Mira-
bile fuit Chri-
stum per alios
claus ferreis
confixum: Sed
maius, est B.
F. stigmatiza-
tum per ipsum
Christum cla-
uis carnis cru-
fixum.

Matthieu Pa-
tre Moine de
l'ordre de S. Be-
niste des que ces
stigmates n'ap-
rurent point
sur le corps de S.
François que
trois iours auant
sa mort, &
celles dispa-
rent du tout
pres son trepas.
Voyez ce qu'il
dit In Angl.
in Hérice
ed 20. 11. 27.
informit. li.
fruct 6. p. 2.
requent.

trois iours son corps entier, assauoir au
sepulcre: Mais ç'a esté chose plus grande
en S. François de conseruer ses stigma-
tes par deux ans sans pourriture. C'a esté
chose admirable que Christ ait esté percé
de cloux de fer par d'autres: Mais c'est
chose bien plus grande que S. François
stigmatizé par Christ mesme, ait esté cru-
cifié avec des cloux de chair.] En som-
me; il n'y a circonstance, ni en la vie, ni
en la mort, ni en la sepulture de Iesus
Christ ou ils ne luy rendent S. François
semblable; voire mesmes iusques là que
comme ils tiennent que Iesus Christ des-
cēdit au Lymbe des Peres apres sa mort
pour en tirer les ames des Anciens du
vieil Testament: Aussi, disent ils, que S.
François apres sa mort descendit en
Purgatoire & en amena vne grande mul-
titude d'ames avec soy montant aux
cieux

Or qu'est-ce que tout cela sinon pre-
senter aux hōmes vn autre Iesus Christ
que celuy que les Apostres nous ont
presché, que leur donner vn autre Sau-
ueur, vn autre moyen de salut que celuy
que l'Euangile nous presente; comme de
faict ils n'ont point eu de honte d'appel-
ler

ler François du nom de Iesus des le fronspice de leurs Cõformitez, & de luy en attribuer l'efficace quand ils l'inuoquent en ces mots.

Frācisce. Iesu typice: dux formæque minorū.

Per te Christi mirifice sunt gesta, & donorū.

Malapater egregie pro pelle animorum,

Sedes nobis perpetuas da regni supernorum.

*Au Prologue
des Conform.
au dessus de
l'arbre.*

C'est à dire.

O François Iesus typique; c'est à dire (selon leur sens) figuré par Iesus Christ, comme monstre la disposition de l'arbre ou ils mettent tousiours ce qui a esté en Iesus Christ premierement & puis ce qui a esté en S. François, selon que la figure precede la chose figurée; *Chef & forme des freres Mineurs*, Par toy sont les actions de Christ & ses dons. O pere excellent, chasse les maux de nos esprits, & nous donne les sieges perpetuels du Royaume des Cieux. Et que sauroit on plus dire à Christ? Mais que sauroit plus dire l'Antechrist contre Christ? Car comme desia autrefois a monstre vn grand seruiteur de Dieu en vne siene Epistre sur ce subiect. Faire Iesus Christ figure de S. François, n'est-ce pas faire Iesus Christ le seruiteur & S. François le maistre & le Seigneur, com-

me les figures del'ancien Testament n'estoient que seruantes de Christ? n'est-ce pas dire aussi qu'à la venue de François Christ ne deuoit plus estre rien, selon que les figures cessent, lors que les choses signifiées par icelles sont presentes comme nous voyons estre adueni des figures del'ancien Testament à la venue de Iesus Christ? qui est ce que disoit ouuertement le liure de l'Euangile Eternel mis en auant à Paris par les Mendians. Et quand mesme on voudroit detorquer ailleurs ce mot de *Typique*; Comment excuseroient ils cette inuocation adressée à François comme au vray Messias, Moyeneur, defenseur de tous maux, & duquel ils attendent absolument la vie eternelle? Car ces mots, *Propelle, chasse, repousse, Da, donne*, ne denotēt pas une simple intercessiō & priere, par quelque alembic qu'o les face passer, Dōt on voit cōbiē a bon droit Guillaume de S. Amour & autres bōs docteurs de l'Eglise Gallicane ont appellé ces gens-cy, *Messagers de l'Antechrist*

Decretal. 6.
de verbor. si-
gnif. Exijt. Et
est rapporté
aussi Confor.
lib. 3. f. 7. p. 2.

Que si on dit que plusieurs Papes ont approuué les stigmates, la vie & la reigle de S. François; comme Gregoire ix. Alexandre IV. Nicolas III. qui dit que c'est

la religion pure & sans macule enuers Dieu le Pere, laquelle descendant du Pere des lumieres a esté donnée exemplairement & verbalement aux Apostres par son fils: & finalement inspirée par le S. Esprit a S. François & à ceux qui le suivent contient en soi le tesmoignage de toute la Trinité. Car c'est elle à la quelle selon Galat. 6. 17 l'atestation de l'Apostre nul ne doit plus donner de fascherie, laquelle Christ a confirmée par les stigmates de sa passion, voulant que l'instituteur d'icelle fust remarquablement célébré par les signes de sa passion; Et le Pape Benoist XII. qui donna vne bulle pour l'institution de la feste des stigmates du dict François. Tant s'en faut que nous nions ces Confirmations là Papales; qu'au contraire nous auons de là vn signe notable que le Pape est celui duquel S. Paul dit qu'il sera seant au temple de Dieu comme s'il estoit Dieu, s'osant attribuer autorité 2. Thess. 2 de canonizer les hommes pour leur faire rendre en l'Eglise des seruices diuins & approuuer vne doctrine si contraire à Christ, abusant mesmement à cela des paroles de l'Escripture Sainte, en appropriant aux stigmates de S. François ce que l'Apostre disoit Gal. 6. de soi & de ses souffrances pour le nom du Seigneur

Iesus en ces mots; *Au demeurant que nul ne vous donne fascherie: car ie porte en mon corps & i'ay a ta les flestrisseurs, ou marques engravees du Seigneur Iesus.* Et quelles marques? les stigmates, dit Haymo, sont marques des peines seruiles, desquelles on vse envers les serfs fugitifs quand ils sont repris par leurs maistres. Le S. Apostre donc portoit les stigmates ou marques qu'il auoit souffertes pour Christ; Car les plaies des verges & des battures paroissoient encor en son corps; & comment il auoit este lie de chaines & traine par les rues. Qui est l'Interpretation aussi que donne Thomas d'Aquin. En sorte que ces marques icy ou flestrisseurs sont celles que l'Apostre recitoit 2. Corint. 11. qu'ils portoit en sa personne; non les pretendus stigmates de Fraçois, soit vrais, soit controuuez comme ils sont ainsi que decouuriront aisement ceux qui pourront prendre la peine de lire les fables qu'ils en content sans auoir mal au cœur.

Haymo in
pist. ad Gal.
ap. 6.

Thomas in
pist. ad Gal.
ap. 6. lect. 5.

CHAPITRE X.

*Suite des oppositions, tant de l'Eglise
Gallicane, que des Papes, & autres
contre les freres Mendians.*

Avoit que le Pape Alexandre 4. comme nous auons monsté au chap. 7. eust fait la cause des Mendians la siene propre & eust seuerement condamné leurs aduerses parties ; cela n'empescha pas que depuis non seulement l'Vniuersité de Paris, mais aussi toute l'Eglise Gallicane ne s'opposast à leurs pretensions & aux priuileges qui leur estoient accordez des Papes ; comme il se vit en l'an 1288. que de la part de tout le Clergé de France furent enuoyez à Rome deux Euesques contre eux, pour les frais du voyage desquels tous les Archeuesques, Euesques, Prelats & tout le reste du Clergé cōtribuerēt la centiesme partie de leur reuenu. Mais le Pape qui estoit à lors Nicolas IV. qui auoit esté general de l'ordre des freres Mi-

Annales H.
Steronis
Aitah. ad an
2188.

neurs ne voulut rien decider, ni pour les vns ni pour les autres; mais laissa le debat comme il estoit auparauant.

Et depuis il est recité en la mer des histoires que le priuilege qui auoit esté accordé au parauant aux freres Mineurs d'ouïr les Confessions, leur fut reuouqué par le Pape Boniface v III. vers l'an 1300. de Iesus Christ: Ce qui peut estre fut la cause pourquoy ceux de l'ordre de S. François particulieremēt ne se monstre-
rent pas si enclins à fauoriser de leurs langues les desseings de ce Pape comme ils auoient esté de ses predecesseurs. Car Auentin rapporte la harangue faicte par vn de l'ordre de S. François en vne diette d'Allemagne dissuadāt les estats de l'Empire de rien entreprendre contre le Roiaume de France, contre lequel le Pape vouloit que l'Empereur Albert d'Autriche fist la guerre.

Dauantage le Pape Clement V. ayant conuoqué vn Cōcile en la ville de Vienne en Dauphiné on y veint faire de grandes plaintes des Mendians, lesquels abusoient tellement des priuileges qui leur auoient esté accordez par les Papes, qu'il n'y auoit plus entr'eux aucune apparen-

ce de poureté; d'autant que par diuerſes pratiques ils ſauoient tellement attirer des biens, qu'ils ſe faiſoient tous les jours inſtituer heritiers, faire des legats, donner terres, & poſſeſſiōs, en forte qu'ō les voioit baſtir des Cōuens egalans en magnificēce les palais des Grands; que lors que leurs affaires, voire des choſes tēporelles, ſe traiſtoient és cours; ils aſſiſtoiēt aux Procureurs & Aduocats, & ſe preſētoiēt là en perſōne pour les inciter; qu'ils ſe portoient pour executeurs des Teſtaments; qu'ils ſ'entremesloient des vſures & choſes mal priſes & des reſtitutions; qu'ils auoient des paremens & ornemens Eccleſiaſtiques en pluſieurs lieux ſi riches & ſomptueux, qu'ils ſurpaſſoient les grandes Eglises cathedrales; qu'ils receuoient indifferemment des cheuaux & des armes qui leur eſtoient donnez aux funerailles. A cauſe de quoi il fut ordonné que les freres Mineurs ne pouuoient eſtre inſtituez heritiers, qu'ils ne ſe deuoient point trouuer es lieux des Plaids, ne pouuoient eſtre executeurs des Teſtaments, qu'ils ſ'abſtiendroient doréſnauāt de baſtir des Edifices exceſſifs, & choſes ſemblables qui ſe peuuent lire en la Cle-

Martin Polo-
nus ad an.
312.

mentine de verborum significatione, avec la
decision de la controuerse qui estoit sur-
uenue entr'eux sur leur regle, dont vne
partie de freres Mineurs qu'on appelloit
spirituels auoit requis la decision du Pape.

La mort de l'Empereur Henri 7. ariuee
l'année suiuite 1313. n'accroit pas peu
l'inimitié de plusieurs grands personna-
ges contre les freres Mendians & par-
culierement contre les Iacobins. Car ce
bon Empereur fut empoisonné en com-
muniant au Sacrement en vne hostie par
vn Iacobin nommé *Frere Paulin*, comme
nous trouuons en des rythmes Latins
anciens qu'a inferé Marquard Freher au
tome qu'il a recueilli des Escriuains Alle-
mans, ayant esté corrompu par argent
pour cet effect par quelques vns du parti
des Guelphes ennemis de l'Empereur,
duquel voicy l'Epitaphe selon qu'il nous
est recité par le Moine Henry Steron en
ses Chroniques;

Annales Hen-
rici Steronis
Altiabens ad
an 1313. In
eodem tomo
Germani Scri-
ptor. M. F.

*Iure dolet mundus, quod Iacobita secundus
Iudas nunc extat, mors Caesaris hoc manifestat.
Dum fuerant anni transacti mille trecenti,
Et decimi termini, in festo S Timothei
Occidit Henricus* tabe veneni,*

*Glorius Imperator, Germana gentis amator,
Iustitia cultor, viduarum strenuus ultor.*

Q V i fut peut estre la cause pourquoi
on se seruit du mot Latin, qui se pre-
noit dès lors pour le froc ou capuchon.
d'vn moine, pour denoter l'année d'vne
grande famine auenue deux ans apres la
mort dudiect Empereur en Allemagne,
comme si ce perfide enfroqué qui l'em-
poisonna, ou ses compagnons qu'on
souffroit, en estoient la cause; Car voicy
le vers qui notoit le nombre des ans de
Christ 1315. en vn seul mot,

CVCVLL
1315.

Sethi Cal
Chron. ad
Christi 13

Vt lateat nullū tēpus famis, ecce CVCVLLVM.

Mais ce qui troubla bien d'auantage
les Mendians de l'ordre de S. François
fut que le Pape Iean 21. ou 22. retracta
les Constitutions des Papes precedens
faictes en leur faueur, leur ostans l'vsage
de faict de tous biens & les renuoyant
purement aux aumosnes pour viure se-
lon leur vœu. Qui fut cause que tout l'or-
dre fut merueilleusement offensé cōtre
lui; & que plusieurs se rengèrent du par-

1322;

C. Ad Con
rem de ven
significat
Extr.

ij Chron.
iz

ty de l'Empereur, entre lesquels fut Guillaume Ockam Anglois de nation, grand Theologien, lequel ayant osé prescher & escrire que le Pape estoit heretique fut excommunié d'icelui: à cause de quoy il se retira vers l'Empereur Louys de Baviere, lui vlsant de ses termes, *Defendez moy par l'espée & ie vous defendray de paroles.*

Imperator
ende me gla.
, & ego de-
dam te ver-

Et pource que les Freres Mineurs soustenoient opiniaistrement que nostre Seigneur Iesus Christ & ses Apostres estans en ce monde n'auoient rien eu de propre, ni en particulier, ni en commun, le Pape condamna cetté opinion-là comme heretique. Ce qui est bien a noter contre ceux qui se ventent tant de l'union & d'auoir tousiours adheré à celui qu'ils nomment Vicaire de Iesus Christ, chef de l'Eglise, pour faire voir comment les fondemens de leur poureté volontaire ont esté declarez faux, *heretiques, accusans de mensonge l'Escripture Sainte, & destruisant, par consequent la foi d'icelle;* comme declare ce Pape en son extrauagante, lequel fit aussi mettre en prison vn Cordelier de Prouence, qui lui osa maintenir qu'il estoit heretique, pource qu'il auoit publié contre leur poureté. Cependant

im inter. de
rbor. signif.
extrau loa.

les Iacobins ne demeuroient pas oiseux: Car Thomas Vvalois l'un des plus celebres Theologiens qui fut lors entre ceux de cet ordre occupa son esprit à moraliser la Metamorphose d'Ovide, rapportant les fables d'icelle aux histoires de la Bible, œuvre qui a esté imprimée à Paris par Ascēsius l'an 1509 Et d'où (peut estre) le Docteur Coeffeteau de mesme ordre, a appris à rapporter la fable de Semele & semblables aux merueilles de l'Eucharistie, aux discours qu'il en a mis en lumiere selon l'ordre des Categories d'Aristote.

Quoi que c'en soit, vers l'an 1333. plusieurs de l'ordre de S. François furent brulez en diuers lieux par l'ordonnance du Pape Iean 22. pource qu'ils maintenoient *l'heresie* (qu'il appelloit) *de la pureté Evangelique*, sur laquelle toutesfois est fondée toute la regle de S. François, comme aussi d'autres furent bruslez sous les Papes suiuan. Sous lesquels plusieurs mirent la main à la plume contre les freres Mendians, entre lesquels fut Richard Euesque d'Amarcan en Irlande, duquel faict mention Bellarmin lib. 2. de *Monachis* cap. 45. lequel estant en la Court Pa-

Theodic.
Nien.

Voyez Ant
nin. part.
hist. tit. 24.
9 § 15. o
pallie co
sous le n
Fratricelli
c'est à dire
frerots.

Biblioth
Gesneri

pale composa vn Dialogue contenant sept liures intitulé; *De originali, naturali, & Ciuili Dominijs contra fratres Mendicantes*; à l'instance du Pape Clement 6. fit des Sermons contr'eux les accusant de troubler la police de l'Eglise; ouïr les Confessions des Nonnains sans licence de leurs superieurs, & des femmes sans le congé de leurs maris; voire mesme il soustint des Propositions de ce sujet en la presence du Pape Innocent 6. le 8. jour d'Octobre de l'an 1357. En quoi il fut accompagné de plusieurs autres qui escriuirent en mesme temps. Auquel vn Docte personnage faisant allusion au nom du Fratricide Caïn; comprenoit les 4. ordres des Mendians en ce mot C A I M; En sorte que le C. signifioit *Carmes*; A. *Augustins*; I. *Jacobins*; M. *Mineurs*. Bref on peut reconnoistre que depuis l'institution de cet ordre des Mendians il a tousiours esté impugné de quelques vns, voire des plus doctes de l'Eglise Romaine.



CHAPITRE. XI.

*Discours notable de Nicolas de Clamengis
Docteur de l'Vniuersité de Paris, & Chantre de
l'Eglise de Bayeux, qui florissoit au temps du
Concile de Constance vers l'an 1415. Et quel a
esté le pape qui fit cesser les grandes plaintes
faictes contre les Mendians l'espace de 200.
ans.*

CE ne seroit jamais faict qui
voudroit rapporter toutes les
plaintes qui ont esté faictes
contre l'ordre des Mendians.

Et pourtant me contenteray-ic de reci-
ter icy vn discours de Nicolas de Cla-
mengis, l'vn des plus doctes & eloquēs
Theologiens de son temps, comme ses
escrits font foy, lequel en vn sien traicté
apres auoir amplement discouru de la
corruption qui estoit suruenüe és prin-
cipaux estats de l'Eglise, vient aux Men-
dians en ces termes.

[Le vien, dit-il, maintenant aux Men-
dians, qui pour la profession d'ync po-

Nicol de Cla-
mengis de
Ruina & Re-
paratione Ec-
clesia.

ureté tres estroicte se vantent & glori-
fient d'estre les vrais disciples & imita-
teurs de Christ. Car consideras à ce qu'ils
disent ce qui est en l'Euangile; *Si tu veu-
x estre parfaict, va & ven tout ce que tu as & me
sui*, & ce qui est dit, *Si aucun ne renonce à
tout ce qu'il a ne peut estre mon disciple*: aians
mesprisé & mis bas tout le soin & pesant
fardeau de leurs possessions & choses
temporelles, se sont mis tous nuds & de-
liures à suiure le sctier difficile de Christ,
lesquels outreplus estans instruits és
sainctes lettres (esquelles ils sont presque
seuls auioird'hui qui estudient) admini-
strent la pasture de la parole de Dieu par
leur continuelle predication, pour refe-
ctionner les peuples, leur monstrant la
voye de salut eternal que nul n'enseigne
auioird'hui, declarent quels sont les di-
gnes salaires des iustes & les supplices
des meschans, & ainsi rappellans les a-
mes de perdition eternalle les font con-
uertir à Dieu. En somme, eux seuls (com-
me ils asseurent) exercent les offices de
tous les autres Ministres de l'Eglise las-
chement endormis, fournissent à leurs
charges; suppleent leurs defauts, igno-
rances, negligences.]

[Mais ie leur demanderois , volontiers, s'ils ont atteinct ce degre de supreme perfection & tresprochain de Christ; d'où vient qu'ils la magnifient tant eux mesme de leur propre bouche; qu'ils s'en vantent si insolemment; qu'ils se preferent à tous par vne vaine gloire, voire qu'à comparaison de leur estat ils priuent les autres de toute perfection? Car il estoit conuenable que cette celeste & Angelique perfectiõ en terre, fust louée par la bouche d'autrui, non par la leur propre; s'ils desiroyēt d'auoir vne louange solide; & non point vaine, suspecte, & odieuse. N'est-ce pas icy la vraie iustice des parfects, de ne s'estimer iamais parfects; ains plus ils sont iustes, sentir de soi avec plus d'humilité & se croire estre plus elloigné de la iustice? De peur que s'eleuans par vanité pource qu'ils presument auoir, cela mesme qu'ils auoyent (si toutesfois ils auoient quelque vertu) s'euanonisse?]

[L'humble Publicain ayant confessé ses pechez à Dieu ne s'en retourna il pas du tēple iustificié, & obtint le pardon qu'il demandoit. Et le superbe Pharisien preschant ses merites & mesprisant ce pource

là ne s'en retourna il pas reiecté & sans estre exaucé? Parce que Dieu resiste aux orgueilleux & faict grace aux humbles. Or semble il que cette parabole soit tres à propos amenée cõtre ces traffiqueurs & falsifieurs de la parole de Dieu: Car comme la synagogue a eu des Pharisiens lesquels Christ reprend tousiours tres aigrement en l'Euangile: Aussi ces nouueaux & supposez Apostres doiuent estre tenus pour les PHARISIENS DE L'EGLISE, ausquels toutes les choses que Christ à dictes des Pharisiens conuiennent, & peut estre plusieurs autres encor pires: De la sacrilège impieté desquels, d'autant que ce que ie me suis proposé d'estre court, ne me permet pas de dire beaucoup; Oyons au moins quelques sentences de Christ par lesquelles il nous admoneste de nous garder de leurs ruses & cautelles.]

[Le Sauueur donc monstrant la source de leur meschanceré dit d'eux; *Donnez vous garde du leuain des Pharisiens qui est hypocrisie.* Et de rechef, *Donnez vous garde des faux prophetes qui viennent à vous en vestemens de brebis, mais au dedans sont loups ravisans.* Ne sont ils point loups, ravisans portans

detur autem
parabola
parabos que
arios. verbi
adultera-
congruen-
me indu-
qua sicut
agoga suos
arificos ha-
aduersus
in Euan-
to acerrime
istius inae
; Iam
um hi noui
subintrodu-
Apostoli &c
ie Phariſei
endi sunt,
ous omnia à
isto de Pha-
is dicta &
e alia plu-
a, nescio an
riora, con-
uincunt.

126.

127. 15

portans couuertures de brebis; qui contrefont en apparence exterieure l'austerité de vie; la chasteté, l'humilité, la sainte simplicité, & au dedans foisonnēt en delices tres-exquises, & abondance de diuerses voluptez par dessus tous excez des mondains? Ne sont ils pas loups rauiffans cachez so⁹ l'image de brebis, qui à la façō des Prestres de Bel, deuorēt en secret les offrandes, se remplissans de vin & de friands metz; non pas avec leurs femmes, mais bien souuent pourtant avec leurs petis enfans, souillans tout par pailardises, de l'ardeur desquelles ils sont cōsumez? Ne sont ils pas loups rauiffans, contrefaisans la brebis au dehors, qui ne font les choses qu'ils disent qu'il faut faire, & ayans presché aux autres sont trouuez non receuables par le tesmoignage de leur propre predication? Ne sont ils pas loups rauiffans ayans fausement la mine de brebis, que de prime face paroiffans Anges de lumiere & non de Satan, ne seruent toute fois à Christ nostre Seigneur, mais à leur ventre, comme parle S. Paul & par douces paroles & benedictions seduisent les cœurs des Innocens?]

*Cum non sua
uxoribus licet
sape cum suis
parulis.*

Rom. 16. 18.

[Mais escoute encor ce que le Sauueur

Matth. 23. 25. dit d'eux à ce propos. *Malheur sur vous Scribes & Pharisiens hypocrites, qui nettoyez le dehors de la coupe & du plat, & au dedans estes pleins de rapine & d'ordure, qui estes semblables aux sepulcres blanchis, qui se monstrent aux hommes beaux au dehors, mais au dedans sont pleins d'ossements de morts & de toute infection. Que peut on dire d'eux plus vraiment, plus proprement, & plus clairement, que ce que tu ois auoir esté dit de ceste bouche celeste?]*

[Sainct Paul aussi le Docteur des Gentils, preuoyant en esprit l'entrée de tels seducteurs vers les derniers temps, & que l'Eglise receuroit en fin plusieurs playes par eux escriuant à son disciple Timothée admoneste qu'on les fuye soigneusement. Car apres auoir dit, *Sache qu'aux derniers iours seront des temps perilleux, & les hommes seront amateurs d'eux mesmes, auaritieux; vanteurs, orgueilleux, blasphemeurs; & plusieurs autres tiltres, qui ne conuiennent pas mal à ces seducteurs. En fin il adioust ce qui leur est plus propre; Ayans l'apparence de pieté, mais ayant renié la force d'icelle. Destourne toy aussi d'iceux: Car d'iceux sont ceux qui se fourrent es maisons & tiennent captiue sles femmelettes chargees de*

pechez, lesquelles sont agitees par diuers desirs, apprenans tousiours, & ne paruenans iamais à la connoissance de verité, hommes corrompus d'entendement, reprouuez quant à la foi. &c. Dauantage le mesme Apostre parlant au susdict sien disciple Timothée dict; 1. Tim. 4. l'Esprit dit notamment qu'ez derniers temps aucuns se reuolteront de la foy s'arrestans aux esprits d'erreur & doctrines des diables, parlant mensonge en hypocrisie, ayans leur conscience cauterisee. Lesquelles choses nul ne doit douter qu'elles ne soyent escrites de ces nouueaux Pharisiens.

[L'Escripture Saincte declare aussi; en plusieurs lieux, plusieurs autres choses de l'iniquité cachée de ses faux Prophe-
tes, par laquelle ils percent & profanent la maison de Dieu: lesquelles ie laisse tout expres; par ce qu'il est temps que nostre voile prene port, & que ce que i'en ai dict semble suffire (autant que nostre briue-
té le requiert) pour descouurir leur des-loyauté. De laquelle si quelqu'un en veut cognoistre dauantage qu'il voie Cyrille, & il y trouuera là merueilles d'iceux pre-
dictes par la reuelation du S. Esprit, long temps deuant qu'elles auinsent. Com-
bien aussi qu'il n'y a eu faute d'autre es-

Cette Prophetie de Cyrille, non del'Euesque de Ierusalé; mais d'un Ermite du mont Carmel, est digne d'estre leue comme celle qui contiennent une entiere description des fraudes, tromperies, & seinties des Mendians. Façoit qu'inconsiderement elle ait esté inserée entiere avec l'expositio de l'Abbé Joachim au 1. liur des Conforts d'Augustin.

criuains' qui depuis la venue de tels abuseurs, ont escrit plusieurs choses fort utiles & excellentes pour aduertir & pre-munir quant & quant l'Eglise.]

Lequel discours j'ai bien voulu inserer icy tout entier à fin qu'on reconnoisse le jugement que les hommes doctes faisoient de ce temps là des Mendians conformement à celuy que nous faisons aujourd'hui selon la Parole de Dieu. Combien que ie ne puis aussi passer sous silence la response faicte par vn cheualier Bohemiẽ nommé Procopius au Cardinal Iulian legat du Pape au Concile de Baasle. Car comme le Cardinal eust dit aux Ambassadeurs des Bohemiens en-uoiez au Concile, entre lesquels le dict Procopius estoit l'un des chefs de l'Ambassade, Qu'il auoit entendu que les Bohemiens disoyent que les Religions des Mendians estoyent une inuention du diable. Ledit Procopius se leuant dit; Cela est vray: Car si ainsi est que ni Moysse, ni deuant luy les Patriarches, ni apres luy les Phrophetes, ni en la nouuelle loy nostre Seigneur Iesus Christ, ni les Apostres n'ont point institué les Mendians; qui est-ce qui ne recognoist que c'est une œuvre du diable & des tenebres? Ce qui est recité par Æneas

vers l'ā 1433.

ÆNEAS
Syluius histo-
ricæ cap. 51.
Non si neque
Moyses, neque
ante eum Pa-
triarchæ, neque
post eum Pro-
phetæ, neque in
noua lege Chri-
stus Dominus,
neque Aposto-
li, Mendican-
tes instituere,
quis non intelli-
git diaboli re-
probationemque
opus esse?

Syluius qui assistoit audict Concile.

Bref les oppositions & plaintes contre les Mendians durerent par l'espace de deux cēs ans iusques à ce que Frāçois Ruere general de l'ordre de S. François tenāt le siege Papal sous le nom de Sixte 4. interposa son autorité pour mettre quelque paix entre les Médians & les autres Ecclesiastiques ainsi qu'on peut lire en l'extrauagante d'iceluy *De treuga & pace cap. 2.* comme aussi il institua la feste de S. François donnant à ceux qui l'observeroyent indulgence de 50. ans & autant de quarantaines. Ne voulant peut estre sembler moins affectionné à l'establissement de la paillardise spirituelle, qu'il s'est monstté l'estre à celuy de la corporelle, cōme on peut recueillir de ceux qui nous ont recité les gestes de sa vie, & les auancemens qu'il fit à ses deux fils Pierre & Hierosme Ruere qu'il auoit eus de paillardise - tandis qu'il n'estoit encor que Cordelier.

Vers l'ā 1478.



CHAPITRE XII.

*Des disputes & controuerses qui ont esté entre
les Mendians sur la question, si la vierge
Marie a esté conceüe en Peché
Originel, & du sang de
Iesus Christ.*

LE ne veux point icy m'esten-
dre sur les disputes qui furēt
entre les Scholastiques tou-
chāt les Idées de Platon; les
vns suiuiās l'opinion de Iean
Duns surnommé l'Escossois Thomas &
autres *Reaux*; les autres embrassans celles
de Guillaume *Okam*, qu'on appela *Nomi-
naux*; qui exercerēt toutefois par l'espace
de deux cēt ans toutes les Vniuersitez de
l'Europe ne plus ne moins qu'une cruel-
le guerre, ou la faction des Guelphes &
Gibelins, Iusques à ce que les *Nominaux*
l'emporterent. Car toutes ces questions-
là de part & d'autre se trouueront n'a-
uoir esté que des toiles d'araignée, sub-

tilement, vainement; mais inutilement
tissües:& de vaines occupations qui em-
peschoient les esprits de monter à la
connoissance des choses plus solides &
necessaires ou bien celles qu'ils ont euës
sur l'excellence & preference de leurs
ordres les freres Mineurs soustenât que
leur reigle estoit plus estroite que celle
des Iacobins & par consequent plus sain-
cte, les Iacobins soustenant le contraire.
Je me contenterai de reciter icy celles
qui touchent à la Theologie, & qui ont
esté non de quelques particuliers seule-
ment: Mais ou les Iacobins & les Corde-
liers se sont veus faire parti contre parti.

C'est le commun aduis des Anciens
Iusques au temps de Pierre Lombart,
c'est à dire à l'an 1150. que la bien heu-
reuse vierge Marie a esté conceüe en
peché Originel, comme il seroit aisé de
monstrer par sentences expresses ti-
rées de leurs escrits conformement à l'es-
criture sainte, qui n'excepte que Christ
de la contagion du peché d'Adam, la-
quelle doctrine a esté suiuite de Thomas
d'Aquin, de Bonauenture mesme, es-
crinant sur le dit Lombart. De sorte que
le premier d'entre les Scholastiques qui

impugna ceste opiniõ fut Iean Duns dit l'Escossois, lequel mit en auât q̃ la Vierge Marie auoit esté preseruée du peché originel par vn priuilege singulier, laquelle doctrine fut embrassée à l'enuy & opiniastrement soustenue par les Cordeliers, voire disputée par contentions estranges non seulement aux escholes ; Mais aussi en chaire publiquement deuant le peuple à l'encontre des Iacobins, qui estoient rendus deffenseurs du contraire. En quoy, comme ainsi soit que les Cordeliers n'apportassent pour preuue de leur opinion que certaines prerogatiues de la Vierge Marie qu'ils pretendoient avec diuerses reuelations & miracles controuuez pour rendre leur opinion plus plausible au peuple qui se laisse aisement seduire par tels artifices ; & que les Iacobins eussent pour eux l'autorité de de l'Escripture Saincte & des Anciens Peres, neâtmoins l'ignorance du siecle & la passion les emportoit bien souuent à des choses ridicules & qui rendoit leur cause suspecte, qui de soi mesme estoit plus forte que celle de leurs aduersaires. Comme ce qui aduint à Rouen vers l'an 1380. que vn Iacobin preschant sur ce subject osa

dire que s'il ne prouuoit par bons argumens son opinion qu'il vouloit estre appelé *Huët* ; à cause de quoi on appela depuis les Iacobins *Huëts* par derision.

Comme donc l'un & l'autre parti taschast d'establir s^{on} opini^{on} & la faire recevoir, soit à tort, ou à droit ; le Pape Sixte 4. promu de General de l'ordre des Cordeliers à la dignité Papale se seruit de son autorité sur ce subiect, ordonnant que la feste de la Conception nostre Dame se celebrast publiquement par tout qui auparauāt n'estoit receue qu'en quelques lieux, & par vne deuotion ou plu-
stost superstition particuliere, accordant les mesmes indulgences à ceux qui l'observeroient que gaignoient ceux qui celebrent la feste, qu'ils appellent du corps de Christ, cōme on peut voir par l'extravagāte d'icelui en datte de l'ā 1476. *Extra. com. De reliquijs & veneratione sanctorū c. i.*

gende aurea
e Lombardi-
historia Ja-
si de No-
vagi-

De laquelle feste si on veut sauoir l'origine on le pourra lire en la legende doree chap. 185. ou elle est rapportée à des reuelatiōs faictes, l'une, à un Abbé nommé *Helsimus* estant en peril de naufrage sur la mer ; l'autre, à un certain Clerc disant ses heures, qui vaut le reciter, à fin qu'on reconnoisse mieux sur quels fondemens

sont basties ces superstitions. Vn certain Chanoine (dit-il) ayant l'ordre de prestre, qui auoit accoustumé de chanter les heures de la benoïste Vierge Marie reuenant d'un village, ou il auoit paillardé avec la femme d'un autre, en la ville ou il demouroit, & voulant traueser la riuere de Seine, s'estant mistout seul en vne nasselle commença en nauigeant de chanter les heures de la Mere du Seigneur, & comme il fut à l'imitatoire; Ave Maria, gratia plena. &c. estant au milieu de la riuere, voicy vne grande troupe de Diables qui le renuersa avec sa nasselle au fonds de l'eau & emporta son ame aux tourmens: Mais au troiesme jour vint la Mere de Iesus avec grande compagnie d'AnGES au lieu ou les Diables le tourmentoyent & leur dit. Pourquoi tourmentez vous ainsi iniustement l'ame de nostre seruiteur? A laquelle ils dirent, Nous la deuons auoir & à bon droit, parce qu'elle a esté prise en nos œures. Ausquels la Mere de Iesus repliqua. Si cete ame doit estre à celui dont elle faisoit les œures, elle doit estre nostre, Car elle chantoit nos matines, quand vous l'avez prise. Dont vous estes d'autant plus coupables que vous avez moins faict cas de moi. Ce qu'estant dit les Diables s'enfuirent, l'un de çà l'autre de là, & la B. Marie ramena l'ame en son corps, & prenāt cet homme resuscité de l'une & de l'autre mort, par le bras & faisant arrester l'eau comme vn

Quoniam
nostris oper
capta est.

Vnde mag
estis, qui
nus erga
gisti.

*mur à dextre & à senestre le ramena au port de
sauuete, Dont lui s'esiouissant se prosterna aux
pieds de la Vierge lui disant; Ma treschere Da-
me & belle Vierge treschere a Christ, que te
rendrai-je pour tant de biens que tu m'as
faicts, Tu as deliure mon ame de la gueule du
lion, & destres-griefs tourmens d'enfer. Auquel
la Mere de Iesus dit; je te prie que dorensauant
tu ne tombes en peche d'adultere; de peur que
la faute derniere ne soit pire que la premiere.*

*certe ne de
pro in adul-
peccatum
us. &c.*

*cor te iteru
e catero se-
e conceptio-
me deuotio
res amia
Vl. Idus
embriis, &
ne cele-
dam pre-*

*Et derechef; je te prie que dorensauant tu cele-
bres deuotement, par chacun an au 8 jour de
Decembre la feste de ma conception, & presches
par tout qu'il la faut celebrer. Dont il s'ac-
quitta si long temps qu'il vescu. Ne voila
donc pas vne belle assurance & digne
d'estre creüe pour fonder l'institution
d'une feste? Que si on dit qu'aujourd'huy
on reiecte ces fables-là; N'est-ce pas con-
fesser que la superstition est donc encor
plus forte aujourd'huy qu'elle n'estoit
lors, qu'elle conserue sans fondement la
feste qui au moins a esté inuentée sur ces
belles imaginations?*

Mais encor que le Pape Sixte eust or-
donné & enioinct d'observer cette feste
cela n'empescha pas que les Iacobins &
autres ne preschassent contre cette do-

Strine de l'exemption de la vierge Marie du peché Originel, ne dissent mesme que ceux là pechoyent mortellement, ou bien estoient heretiques qui celebrent ceste feste de la conception ou assistoient aux sermons de ceux qui asseuroient que la vierge Marie auoit esté conceuë sans peché Originel. A cause dequoi il fit vne autre constitution en l'an 1483. qui se lit és Extrauagantes communes lib. 3. *de reliquijs & veneratione sanctorum* c.3. par laquelle il excommunioit, & ceux qui diroient que c'estoit heresie d'estimer que la vierge estoit conceuë sans peché, & ceux qui diroient que c'est heresie de tenir qu'elle ait esté conceuë en peché; d'autant que l'Eglise Romaine & le siege Apostolique n'en auoit encor rien decidé; qui est la Constitution à laquelle le Concile de Trente depuis s'est arresté sur ce subiect, nonobstant qu'il exempte la vierge Marie de peché Originel.

Concil
deuina. S.

Ce qui seruit plustost d'huile pour allumer le feu de diuision qui estoit desia entre les Iacobins & Cordeliers que d'eau pour l'esteindre: Veu que ni l'un, ni l'autre des partis n'estant absolument condamné, chacun pensa auoir subiect

de se fortifier de plus en plus par toutes fortes de moyens, pour faire tomber en sa faueur la decision qui s'en feroit, n'oubliant pas à cet effect les miracles, comme on peut voir par l'histoire des Iacobins de Berne recitée bien au long par Louys Lauater au premier liure des Apparitions des Esprits chap. 6. Et si le témoignage de Lauater (quoi que tres veritable) est suspect à quelques vns; Paul Langius Moine de l'ordre de S. Benoist, qui escriuoit ses Chroniques enuiron ce temps là, recite que quatre Iacobins de Berne à sauoir, le Prieur, le Lecteur, le Sousprieur, & le Gardien voulans par quelque miracle faire croire au peuple que la vierge Marie auoit esté conceue en peché *se donnerent au diable par vn escrit faict de leur propre sang, & en haine des freres Mineurs, firent d'un certain conuers homme simple, qui s'estoit rangé avec eux, vn nouveau S. François, lui imprimant par art cinq stigmates: & le mettant en l'Eglise dirent au peuple qu'elles lui auoient esté imprimées diuinement. En outre peignirent vne image de la Vierge Marie ayant sur sa teste certaine liqueur, qui luy distilloit par les yeux, comme si elle eust pleuré des gouttes de sang. Item;*

li Langij
onic.
zenfe ad
D. 11. 02.

colorerent une hostie du Sacrement de l'autel avec du vermillon, comme si elle eust esté conuertie & changée en sang (comme ils declamoient) à cause des pechez du peuple & l'erreur de la conception de la tres heureuse Vierge; & preschoient au peuple que cela auoit esté ainsi reuelé par la B. Vierge au susdict Conuers. A cause de quoi il se faisoit vn grand abord de gens vers eux & de grands presens. Mais comme leur tromperie & meschanceté commenceast à estre descouuerte & publiée ils voulurent empoisonner ce Conuers avec l'Eucharistie, comme ledict Conuers s'ensuyant d'avec eux le racontoit aux principaux de la ville & à tous ceux qui desiroient l'entendre. A cause de quoi les susdicts Iacobins aians esté mis en prison, gehennez, & degradez, furent bruslez le dernier iour de May 1509. Ce que ledict Langius. dit auoir escrit à la louange de Dieu & de la trespure Vierge Marie, qui exalte & glorifie ceux qui l'aiment & l'honorent, & confond & abbaïsse ceux qui la haïssent & deshonnorent. Afin qu'ô voye que ce tesmoignage ne procede point de qlque passiõ indigne d'un historien: Et par consequēt qu'il face plus de foi pour faire reconnoistre ce qu'ô doit estimer des stigma;

tes de François d'Assise & autres miracles qui sont recitez és legēdes de freres Médians, lesquels (s'ils eussent esté examinez) par des Iuges aussi sinceres que le Senat de la Republique de Berne, eussent esté trouuez de mesme estoffe, que ceux de ces imposteurs Iacobins.

L'autre question qui les banda les vns contres les autres fut celle du sang de nostre Seigneur Iesus Christ. De laquelle il y eut vne solennelle dispute à Rome sous le Pape Pie II. Les freres Prescheurs ou Iacobins soustenans que nostre Seigneur Iesus Christ ressuscitant auoit repris tout son sang. Et les freres Mineurs nians que Christ eust repris tout son sãg. Pour la decison de laquelle question le Pape Pie commanda à François Ruere general des Cordeliers créé Cardinal sous le tiltre de S. Pierre aux liens qui depuis fut Pape nommé Sixte IV. de luy en rediger son aduis par escrit. Ce qu'il fit par vn traicté qu'il escriuit *du sang de Christ*, sur la lecture duquel le Pape fit vne bulle pour oster la dispute qui estoit entre eux, laquelle (cōme dit vn certain Chroniqueur) est gardée par les freres Mineurs de la prouince de Touraine.

CHAPITRE



CHAPITRE XIII.

Des Mendians venuz depuis l'an 1500. comme des Capucins & Recolez.



Ovs voici en fin conduits au siecle ou Dieu aiant plus clairement rallumé le flambeau de l'Euangile ces Mendians ont commencé à dechoir & perdre la créace qu'ils auoyent gagnée es cœurs des simples enchainez es liens de la superstition : Car outre que la fraude de ces Iacobins que nous venons de représenter donna beaucoup de deffiance & de doubte de ce qu'ils disoient ; la verité de la doctrine du fils de Dieu estant mise en auant par Luther & autres seruiteurs de Christ fit reconnoistre à plein combien il y a de difference entre les songes des hommes , & ce qui est puissance de Dieu à salut aux croyans.

Rom. 13

C'est pourquoy pour renouueller ces vieilles bandes de Mendians recreües & harassées par tant d'oppositions qu'elles

auoyent receües de toutes parts; voire de ceux mesme qui les auoyent armées, équipées, mises en bataille, donné le mot, & pour la gloire & auancement desquels elles combattoient, assaüoir des Papes; on a accreu l'ordre de S. François de nouvelles troupes de gēs vn peu desguisiez d'abits d'auec les precedens, afin de les faire paroistre tous nouueaux. Mais tout ainsi que l'homme n'est pas changé pour auoir pris vn plus haut chapeau; autrement changerions nous souuent en France, qui en changeons si souuent de formes, ou celuy qui prend d'autres souliers que ceux qu'il a vsez: Aussi ne peut on pas dire que les freres Mineurs de l'ordre de S. François soient changez pour auoir pris vn capuchon plus pointü qu'ils ne portoient auparaüant, pour porter des semelles de souliers au lieu de souliers, ou diuersifier en quelque autre sorte leurs habits, comme ils ont faict par l'institution des Capucins & des recolez. La difference est que les Cordeliers acquiesçans à la decision du Concile de Vienne se sont rapportez à leurs conducteurs de la forme & couleur de leurs habits selon qu'ils la iu-

De verbor. si-
gnificat. in
Clement.

geoiēt plus conuenables aux lieux & aux temps : Et les Capucins plus scrupuleux & spirituels ont estimē qu'il valoit mieux se coiffer & habiller à la façō des allouettes, selon que S. François disoit que sa sœur l'allouette estoit l'image d'un bon Religieux, tant au Capuchon, qu'en sa couleur de terre, & autres proprietēz. Combien qu'autrement on reconnoistra par l'histoire que les freres Mineurs en leur commencement n'alloient point en autre habit que celui que portent les Capucins auioird'huy, tesmoin ces vers faicts il y a plus de trois cent ans contre eux.

Cordula nodosa, pes nudus, Cappa dolosa,

Hec tria Nudi pedes ducūt ad Tartara Fratres.

Car quand nous accorderions; & aux Capucins, & aux Recolez qu'ils sont, comme ils se vantent les vrais obseruateurs de la regle de S. François, puis que nous auons monstré cy deuant que cette regle est fondée sur de faux principes, contraires à la Parole de Dieu, dressée pour establir la creature pecheresse en la place du Fils de Dieu nostre Moyēneur, Redempteur, & Intercesseur par vn sacrilege execrable : se declarer obserua-

Conform. lib.
3. fruct. 4. p. 2.
Soror alaude
habet capucium
sicut religiosi
& est avis hu-
milis vadit li-
beter per viam
ad inuenien-
dum sibi aliqua
grana, etiam si
ea inueniret &
in stercore ex-
trahit & come-
dit. & c. fol.
316.

On les attribue
à Gualterus
Mapus Arche-
diacre d'Ox-
ford qui fit un
liure intitulé
Apocalipsis
Goliz Ponti-
ficia, & plu-
sieurs autres
semblables con-
tre le Clergé &
les Moines.

teur de cette regle-là, n'est-ce pas publiquemēt denōcer la guerre à Christ, se porter pour ennemi de sa grace, fouller aux pieds le sang de l'Alliance par lequel nous auons esté rachetez, se priuer des merites d'icelui, pour autoriser ceux des hommes, & le renoncer pour Sauueur à fin de cercher salut en nos œuures? Et de faiēt il ne faut point lire les Conformitez anciennes en la forme qu'elles ont esté dressées par Barthelemy de Pise imprimées à Milan chez Gotard Pontice l'an 1510. ou bien selon qu'elles ont esté receues & augmentées par les Cordeliers en l'impression de Bologne de l'an 1590. pour reconnoistre cela; Mais qu'on lise la Chronique de S. François mise en nostre langue assez nettement, dediée au Cardinal de Sourdis, & imprimée à Paris par l'entremise des Capucins, & il n'y a nul qui ne soit contraint de le confesser s'il en veut juger sans passion; y lisant mesmement les choses dont ils auoient honre autrefois lors qu'on les leur produisoit extraites des liures des Conformitez. Comme sont les discours avec des Loups, des Leuraux, des Cigales, des Oiseaux, & semblables qu'ils n'y ont pas

voulu oublier : Comme sont ces beaux
 faicts de S. François de recourir à la nei-
 ge, au feu, aux ronces & espines pour re-
 sister à la tentation; au mespris & en moc-
 querie du remede que Dieu en a donné
 à tous les enfans d'Adam quand il a dit;
*Il n'est pas bon que l'homme soit seul : je lui fe-
 rai une aide semblable à lui.*

Gen. 2.18,

Autrement l'histoire de l'imposture
 de Marthe Brosnier, comme tout le mon-
 de fait, sans qu'il soit besoin d'en reciter
 les particularitez, a fait voir au plus beau
 Theatre de la France que si les Capucins
 eussent trouué mesme disposition d'es-
 prits que leurs predecesseurs, ils estoient
 capables de nous fournir d'aussi beaux
 miracles que nous en lisons en leurs viel-
 les legendes. Le chapeau rouge du Car-
 dinal Marzat Capucin, quelque beau
 semblant de contrainte qu'il y ait eu, ap-
 prendra à la posterité que le feu de l'am-
 bition se couue bien sous leurs robes
 cendrées; & l'assaut donné au Couuent
 de la Balmette d'Angers par les Corde-
 liers, & soustenu non par exorcismes ou
 par paroles, mais (côme dit le sieur Mat-
 thieu) à bons cailloux par les Recolez
 qui s'y estoient logez, de sorte que si le

*Voyez l'histoire
 de monsieur
 Matthieu hi-
 storiographe du
 Roy liure 2. &
 liure 7.*

*Histoire de
 Matthieu li-
 4.*

peuple n'y fust accouru, le scandale ne se finissoit pas sans meurtre & les ploidiers qui s'en ensuiuirent à la court de Parlement de Paris feront juger de la modestie, douceur & simplicité de ces nouveaux reformateurs de leur ordre.

Je sai bien que ce port & façon austere qu'ils montrent à l'exterieur, cet habit retorique dont ils se vestent, ces jusnes, ces disciplines, ces fouëts, ces prieres par compte, dont ils vsent, les souspirs qu'ils jettent à tous propos; Propos qui ne semblent respirer que le Royaume de Dieu, que le salut des ames, que la conuersion des pecheurs, leur acquierent vn bruidt de saincteté singuliere, & que plusieurs trompez par leurs mines m'accuseront de blasphemé en ce que je dis d'eux. Mais puis que la sapience de Dieu, le Sauueur du monde nostre Seigneur Iesus Christ, nous à voulu munir à l'encontre de tous seducteurs, & enseigner quelle est la vraie pierre de touche, par laquelle nous pouuons discerner & reconnoistre les bons & fideles Docteurs, & seruitueurs de Dieu d'auec les faux Prophetes; Ne craignons point aussi d'examiner ceux cy à la marque qu'il nous en donne en

son Euangile; *A leurs fruiçts*, dit-il, *les con-*
noistrez vous Cueille on des grappes des espines,
ou des figues des chardons? Ainsi tout bon arbre
faict bõs fruiçts: Mais l'arbre pourri faict mau-
uais fruiçts. Les fruiçts donc selon nostre
Seigneur Iesus Christ sont les certains
indice pour recognoistre les Prophetes
ou docteurs. Or quels sont ces fruiçts?

Plusieurs rapportent ces fruiçts à la
vie & aux meurs des docteurs, & par la
jugent de la doctrine d'iceux: Mais jaçoit
que ces choses doiuent bien estre consi-
derées aux docteurs, comme ceux qui
doiuent estre le Patron du Troupeau, &
que celui soit inexcusable qui est auteur
d'un mauuais exemple à ses auditeurs;
Ce n'est pas toutesfois de ces fruiçts-là
que parle nostre Seigneur Iesus Christ
& dont on puisse conclure certainement
la verité ou fauseté de la doctrine, Et de
faict ç'a esté là la cause d'achopement de
quelques heretiques Anciens, & ce l'est
aujourd'huy des Anabatistes. Car il se
peut faire que quelqu'un dõt les mœurs
seront depravés, fera pourtāt profession
d'une pure & sincere doctrine: d'où vient
ce que nostre Seigneur Iesus Christ di-
soit des Pharisiens estant assis en la chai-

Matth. 23. 3.

re de Moÿse, Toutes choses qu'ils vous diront que vous gardiez, gardez les & les faites: Mais ne faictes point selo leurs œuures; Car ils disent & ne font pas. Il nous faut donc obseruer que Iesus Christ parle icy non en general du fruit que rapportent tous Chrestiens; Mais du fruit des Docteurs ou

Matth. 7. 15.

Prophetes; Car c'est en celieu-là qu'il disoit, Donnez vous garde des faux Prophetes, qui viennent à vous en habit de brebis, mais par dedans ils sont loups rauissans. Or quel est le vray & propre fruit des Prophetes & Docteurs sinon la doctrine mesme? C'est donc leur doctrine qu'ils nous faut examiner pour sauoir de quelle source elle est tirée, à quelle fin & intention elle est proposée, & quels effects elle produict. Ce que Iesus Christ nous a enseigné par son exemple propre, lors que confirmant l'autorité de sa doctrine contre les Iuifs

Matth. 7. 16. 17.

il leur disoit; *Ma doctrine n'est point mienne, mais de celuy qui m'a enuoié*; pour signifier qu'elle n'estoit point humaine; mais totalement diuine, cōme il prouue en ces mots; *Si quelqu'un veut faire la volonté d'iceluy, il connoistra de la doctrine, à sauoir si elle est de Dieu, ou si je parle de par moi mesme*; A sauoir cōme hōme simplement, & nō com-

me Dieu, ou biẽ cõme les hõmes mortels
addonnez à leurs sens, à leurs affections.
Car autrement Iesus Christ parloit de
par soi, entant qu'il estoit vray Dieu, d'v-
ne mesme puissance & autorité avec le
Pere & le S. Esprit: Bref il adioust; *Qui
parle de par soi mesme, il cherche sa propre gloire:
Mais celui qui cherche la gloire de celui qui l'a
enuoie, cettui-là est veritable & n'y a point
d'iniustice en luy; à sauoir quant à la doctri-
ne; Car autrement nous portons touf-
iours en nous les restes de la corruption
naturelle inherente en l'homme, qui
contraignoit ce grand Apostre S. Paul
de s'escrier, Les miserable que ie suis! qui me
deliurera du corps de cette mort; Et S. Iean; si
nous disons que nous n'auons point de peché
nous nous seduifons nous mesmes, & verité n'est
point en nous.*

Rom. 7. 24

1. Iean 1. 10

Desquelles paroles nous tirons deux
principaux fruiets & remarques par con-
sequent du vray & fidele Docteur. A sa-
uoir que d'une part la doctrine qu'il pro-
pose ne soit pas siene: mais de Dieu; com-
me puiffée de sa propre Parole, laquelle
nous auons en l'Escripture Saincte. Et
d'autre costé; Qu'il ne cherche, ni sa gloire
ni la gloire des creatures: Mais la gloire

de Dieu seul ; pour lui mener les hommes par Christ, qui est *la voye, la verité, & la vie*. Dont s'ensuit aisement la pureté & sainteté de vie en celui qui d'un saint & arresté propos cherche de tout son cœur la gloire diuine, & y porte les autres par ces saintes exhortations & autres labours. Au contraire donc les fructs & effects des faux Prophetes & faux Docteurs seront: d'enseigner; où les inuentions de leurs ceruelles; où les traditions qu'ils ont receues des autres, les proposer pour oracles diuins; mesler la paille avec le bon grain; l'escume avec l'argent; mener les hommes non à Dieu par Iesus Christ, mais les faire esclaves des hommes & assujectir à des jougs, à des regles autres que l'Euangile; les enfler & enorgueillir de la confiance de leur propre justice; les occuper à des ceremonies vaines & inutiles; Bref exalter les creatures au lieu de la gloire de celui qui nous a créés & rachetés par le prix du Sang de son trescher Fils. D'où s'ensuit aussi que tels docteurs sont cause que leurs auditeurs s'abandonnent aisement à toutes sortes de vices & dissolutions; l'ors qu'on leur presche qu'ils peuvent satisfaire à leurs

pechez par pelerinages volontaires, par le recit de quelques patenostres, par l'achat d'une indulgence, par la confession auriculaire, par l'offrande de quelques chandelles à vn Saint, par quelque don au Couuents, & telles legeres pœnitences qu'ils leur imposent, bien esloignées de la grandeur du peché qui offensant la Majesté de Dieu, qui est infinie, ne peut estre lauë que par vne satisfactiõ de valeur infinie laquelle il faut que l'homme miserable cherche hors de soy mesme.

Toutes lesquelles dernieres marques conuenans aux Capucins & Recolez: comme ceux; qui proposent la regle de François au lieu de l'Euangile; qui ioignent les traditions avec la parole de Dieu; qui ramassent des hommes sous la banniere de François, au lieu de les adresser à Christ; qui adressent leurs vœux & prieres à d'autres creatures; qui pensent meriter deuant Dieu par leurs obseruations, establisans leur iustice, au lieu de celle de Dieu par leurs œuures de supererogatiõ; & par consequent; ne cherchent pas la gloire de Dieu, laquelle reluit principalement es richesses de sa gra-

hef. 1. 4. &
2.

ce & misericorde apprehendée par la
seule foy en Iesus Christ selon que Dieu
nous a esleus en luy (comme dit l'Apo-
stre) deuant la fondation du monde ; afin que
nous fussons saints & irreprehensibles
deuant luy en charité, nous ayant predestinez
pour nous adopter à foy par Iesus Christ selon
le bon plaisir de sa volonté. A la louange de
la gloire de sa grace ; de laquelle il nous a ren-
dus agreables en son bien aimé : En qui nous
auons redemption en son sang ; assauoir remis-
sion des offenses , selon les richesses de sa grace.
Et ailleurs en la mesme Epistre ; Vous estes
sauuez par grace par la foy ; & cela non point de
vous : c'est vn don de Dieu : non point par œu-
ures, afin que nul ne se glorifie. Il est manife-
ste que quelque apparence extreme de
saincteté qui soit en ces gens là ; Ils ne
peuent pourtant estre reputez pour
saints & vrais docteurs : Mais doiuent
estre fuïs & reiectez comme faux Pro-
phetes.

Ne nous laissons donc point seduire
par les mines, gestes, ou habits externes ;
Sachons que comme le Royaume de Dieu
n'est pas viande ou bruvage , comme ensei-
gne S. Paul : Aussi ne consiste il pas en
chimagrées ou vestemens ; Souuenons

14. 17. E

nous que le Fils de Dieu nous a aduertis qu'il viendrait des faux Prophetes en habit de brebis, *afin que nous ne croyons pas à tout esprit: mais examinons les esprits s'ils sont de Dieu; & conférions avec les Escritures s'il est ainsi qu'ils nous enseignent.*

Les Nautonniers ont accoustumé de craindre dauantage & de se donner plus soigneusement garde des escueils qui sont cachez sous l'eau, que de ceux qui paroissent & se môstrent. Aussi faut il que nous nous gardions de ces escueils spirituels couuerts de diuers voiles de sainteté feinte; de peur que nous ne les descouurons a nostre dômage, lors que nous aurôs desia faict naufrage en la foy: veu qu'il ne s'agit pas ici de peu; mais que c'est a nostre chef mesme qu'on en veut; à sauoir à Iesus Christ pour nous donner vn *Iesus Typique*, comme nous auons môstré; & par consequent nous donner vne vie, vn salut typique, vn paradis de bois, de carton, de tapisserie, comme ils les representent aux grandes festes en leurs Temples & autres lieux, & nous priuer du salut & de la vie eternelle qui ne se trouue qu'en Iesus Christ.

1

*Sua illi si velint docere, nolite audire, nolite
facere certè tales sua querunt, non quæ Iesu
Christi, Aug. trac. 46. in Ioannem.*

FIN.

















du -

(8802)

